

宜春縣志

250.89


38

13

1245.37

3

3



宜春縣志二

建置志

建邦設都體國經野諸所位置其慎其詳郡邑亦何獨不然宜春附郭城高池深然自漢以來修葺者屢矣他若壇廟若公廨若寺觀若育嬰堂養濟院漏澤園之屬其改拓增修年月人名并所紀載彙登諸冊亦足以備文獻之徵也

城池

漢高帝五年大將軍灌嬰定豫章郡六年令天下郡邑皆築城

宜春縣志

卷二

建置 城池

隋大業末蕭銑陷城

唐武德四年安撫使李大亮築城高二丈周回四百八十

四步東南西面開壕濶七丈北以江為壕城外甃內土

為露屋覆以瓦長壽二年刺史魏元表遷州治出城東

二百步開元八年刺史房瑄展故城直南二百步創立

廨宇昭宗乾甯二年刺史揭鎮築羅城一千五百餘丈

增築外城濬治壕塹後刺史彭彥章展東面城通舊城

楊吳乾貞二年即後唐明宗賴金知州事又於四郭城

門外置鋪棚羅城諸門大和五年即後唐明宗韋建又

築開羅城二百餘間濬壕五百餘丈南唐保泰元年即



晉高祖天 劉仁贍修東南面子城悉磚石
幅八年

宋太中祥符間修袁州圖經云城周圍七里二十步高三

丈八尺子城周圍一里一百二十步高三丈七尺北枕

秀江三面壕深四丈建炎初升郡為次要城池樓櫓務

令堅險知州事汪希旦治中間邱霖革舊城一新之基

周三千三百一十五步高增二丈女牆三千五百敵樓

戰棚五十總六百五十間阮閱記

附阮閱重修郡城記 袁州郡城議者為西漢大將軍灌
嬰築信史沒其實為可疑按高祖

五年嬰破項籍渡江定豫章郡時宜春為潁章屬邑六

年令天下郡邑城意城自此始必智慮宏遠却地利者
所成不必嬰也後升縣為郡改郡為州而城下遷巨盜
黃巢蕭銑寇江南獨不能入袁馬希範據長沙儂智高

建置 城池

宜春縣志

卷二

二

破邕管皆不敢東窺其城之利歟歷年既久墉堞頽圯
濠塹堙塞漸不足恃蓋承平武備弛雖時繕修不過增
庫培薄而已靖康初方詔修郡城建炎改元升郡為次
要凡城池皆令堅險明年春灝江盜起州無城者多不
守袁人方懼之徽溪汪公希旦來鎮以靜重千里既肅
迺謹奉詔帥治中間邱公霖暨僚屬登舊墉視廢闔慨
然相謂曰險之不設何以為郡不暫勞無久逸不一費
無百利於是計功度用請於朝給度牒又許勸有力者
借助乘農之隙涓日之良大興版築諸縣翁從伐木於
山陶磚於野募閭民括冗兵雖致期勿亟而工役自勸
馨鼓弗勝矣重阿崇圍屹若雲矗控山阻江雄冠東南
何其偉歟城基周三千三百一十五步高一丈五尺周
不可益而增高五尺為二丈女牆三千五百步高五尺
盡易以磚敵樓戰棚五十總六百五十間皆舊無而今
翔修也守禦之具如弓矢甲盾旗幕鉦鼓數皆累萬而
藏之有庫守卒民伍晝役夜警居之有屋百爾所須無
或不備三月克成事不愆素費約而功倍自非才力絕
人疇克有濟袁為州屏蔽江淮襟帶湖湘地沃少饑民
醇惡盜南土之樂邦也山平廣而無高險水遠秀而無
深險俗尚文而無武險惟知力田畝以食營廬舍以處

服教化修禮義而居常安隣封近壤間有寇攘矯虔則亦不能無蜂蠆之虞今郭郭既壯姦宄潛珍雖異時弄兵潢池之徒亦當聞風而辟易矣西北士大夫千里流寓者殆踵接輻輳誠以金湯之險有足恃焉耳其功惠豈小補哉閱嘗見州縣營一臺榭亭館志在速賓客備登覽而已尙記其本末夸無窮斯城之作上以奉明詔下以保生靈而無以記之其可乎於是書之時建炎三年三月吉日記

開禧間知州事羅克開復增修邑人張嗣古記其後知州事李觀

民鄭自誠方岳皆嘗繕修

附張嗣古修城記開禧致元夏五月廬陵羅公克開被天子明命來守宜春郡訪風俗詢利

病髮櫛刃解未幾登城周視則墉堞頽圯榛莽叢生大不足為民衛因喟然嘆曰保障大守職也而玩愒至是乎迺稽功料役增卑培薄伐材陶甃於山於郊百堵咸作因舊而增新之其木石箠瓦之材以枚計之凡五萬五千有奇役人之力以工會之幾二萬而樓臺屹立雉堞崇峙大體蓋畧備矣按宜春郡肇於秦漢定於隋唐建置城池

宜春縣志

卷二

而升於我宋江荆漢蜀廣之道四出於此方海宇熙又擊析聲沉咸謂江右樂土歲或不登隣壤環接一有赤子弄兵潢池則武備弗完所恃惟城池而已世傳漢灌嬰定豫章郡城宜春而史不書殆無可考信然圖志謂黃巢蕭銑寇江南不能入馬希範據長沙不敢東窺則城之堅且固亦舊矣靖康建炎間修築之詔屢下翼嚴嚴罔有剗闕數十年來縮甲不用太守以理財聽訟為急以釐廢補弊為緩決防弛備踵陋習傾墉摧障廢頽不復經意袁民得奠枕者真幸耳世所急而公緩之世所緩而公急之此公之所以為遠慮也賈誼有言不植則僵不修則壞天下之弊其積非一日則其起亦非一人吏以習安苟且為常固不可望其有所修植然植者立修者全而繼之者弛焉則僵與壞不旋踵矣公治袁二年惠洽威暢璽書之徵當已自九天下杜壞於微扶僵於漸獨非來者責與雖然民保於城城保於德使良二千石有善政以結民心有德化以固民志則與民守之效死而民弗去城雖百年弗壞可也開禧丁卯三月記

元仍宋舊至正十二年為天完將歐祥所據二十二年始

納欵於明

明洪武四年知府劉伯起增修城堞浚壕立棚創四門城樓門外增修月城覆以串房間以箭樓

天順七年水溢城圯知府劉懋同指揮石雲邵琦等繕修宏治六年南門壞知府王俊重修

正德七年東西二門月城圯知府姚汀重修九年城西門樓壞知府徐連增修城串樓一千七百餘間各置棚欄

壕口四千餘又置板塔十五年城東北隅圯知府羅輅

重修分宜嚴嵩記

附嚴嵩記

正德庚辰夏大雨水袁之城壞太守江東羅侯輅始議修之維時兵革甫息餽餉耗竭民

宜春縣志

卷二

四

用告病侯則太息曰吾政未集而勞民不可適已責弛禁均役清訟罷勾攝之卒節賓客之費是歲災而不害歲乃有秋侯乃進吏士者民言曰惟掌固之令其責在予予敢不力乃進富民之義者曰爾其董於受楹表定位析地計功惟協力程事以章爾義名乃召匠民而諭之曰工惟良惟堅無苟補塞頽漏以速弊無玩無怠苟以速弊與玩怠有罰乃用祝幣告於城隍之神曰實相厥城以利我民惟神之休閏秋之吉萬堵並作工徒子來侯識慮審確才敏而志銳始自櫛度規費所出民弗知也比屯事之曰板築之用畢具木石瓦甃填委山積百爾所需咸出計措無糜於官無病於民侯素精勵夜分視事罪罰所入一付工所秋毫不私佚道使民不俟督迫相費出入罔有或後越三月而工畢君子以謂羅侯善為政也維袁州古宜春郡郡古有城最號堅險昔人謂必知慮宏遠知地利者所成信然觀夫崇墉疊雉層樓周閣遠近迥合綿亘龜屹被以林阜阻以川坻隱然與區也往時隣壤有潢池之變袁獨安枕無恐民累然與道相屬襁負而至曰袁有城可恃也其勢既足相援其民亦樂於耕耨以自足果蔬魚稻不出境而得之上沃無外慕則濫巧不作故鮮為盜長吏撫循誨誘治

以禮義故常易使而事有成羅侯自大理被命而來下
車問俗灌其瘡痍煦以惠和民既輯睦遂能用其力以
為茲役樹風聲而壯侯度植利捍患垂之無窮雖有小
警不能以病衰也然則為袁之民者其果可恃矣乎予
觀侯仕未踰年百廢具興其考大成之樂於學餘詞於
仰山觀兵於郊峙粟於庾思力變世吏之習以追古循
良君子之風多可書茲役也民不知勞役不違時郡人
之所欲書也故特書之且曰使嗣是修其政俾無隳

嘉靖中知府范欽劉廷誥袁襲裳以城治串樓為艱且非

城制請於上官乃撤去串樓斃馬道以甃新喻張歲久

圯萬歷初知府鄭惇典修葺己未北門傾圯知府黃鳴

喬重修

附張春記

城之有屋非制也江南列郡多有之大抵南
歲不修葺瀑溜上注傍射為圯益速地不止勞費不休
守土者所疾心焉然修築之難其說有二一曰撤舊材

宜春縣志

卷二

五

二曰舉新工今吏於茲土上之人法守是防費銖兩以
上必關白候允而後可下之人伺察得間則噴有煩言
乘上下交責之勢而并是二難即不得已之舉亦將反
亟為徐浩歎中沮縱奮焉從事而往復文移稽率擬議
淹積歲月遷代而去其克抵於有績者幾希凡在更作
之務皆然何況城哉以故江南郡邑鮮見崇埔峻堞有
志為治所以夜憂者此也袁州據豫章上游西接湖湘
實為要地相傳城創於漢灌嬰屋之莫究厥始正德中
辰郡守江東羅侯輅嘗仍制修築今少師嚴公記之歷
三十餘年諸君子相繼來守固不歲屋料理常費軍民
三七之財卒未有改圖建經久計者無亦如前所論志
格於勢而非籌慮所弗及耶抑事成有其會不能無待
耶嘉靖癸丑蜀立山袁侯拜刺袁之命甫下車即登城
閱之顧僚屬歎曰屋以覆城亦以敝城易瓦以甃不一
勞而永佚乎僉曰然曷圖之明年秋代巡初泉吳君藩
泉樂湖王君升居成君按部適至侯首上方畧諸君躬
詣相度良快其請而巡撫五山陳公亦報可由是役有
定議城周遭為丈凡一千有奇其費灰之數以斤計三
十七萬七千四百有奇磚之數以片計其大者二十八
萬三千有奇小者四十四萬八千一百有奇通信六百

餘金無溢也而侯夙謀諸心區畫素審撤屋可市者易
金幾二百而以軍民協處之數是之軍之金三百二十
有奇民則取諸郡帑之羨為金二百九十有奇夫役簡
徭卒民兵之可勞者日百七人凡五日而徧週戒期鳩
衆獻伎者無留智效力者罔遺勇始於甲寅之冬再閱
月而工告竣痺而增崇險而坦夷頽而屹立缺而完固
陟者遐矚而曠爽履者步武而暢適四顧巖巖氣雄形
壯稱江右一鉅鎮也四邑之民罔知郡有大役倏瞻新
城變殊昔觀相與駭愕曰侯何神哉是舉乎於是二守
鄭君整判府會君大用節推蘇君景和宜春尹劉子廷
舉分宜尹許子從龍萍鄉尹梁用達萬載尹倫學智咸
曰是績也豈可無書走使屬子文用紀厥成子隣瑩鄙
人側聞侯易道子諒允矣君子長者蓋心誠乎愛民而
注措尤不苟誠故上下信之不苟斯其於難者易矣宜
不大聲色而重役遄就偉功茂建式垂遠規於戲觀是
一端也其為政要於錫福庇民永有賴者可知已曩
少師之記有曰使嗣是者修其政俾無隳若袁侯可謂
無隳前修者矣後之君子以袁侯之心為心則茲郡之
重江右也豈直今日而已哉侯名襲裳蜀眉州人登嘉
靖乙未進士由南戶部郎擢守而府經歷劉相之衛經
建置一城池

宜春縣志

卷二

六

歷陳縉者實受侯檄
終始是役例得書

崇正庚午辛未間知府田有年因永新冠警增修丁未冬
臨藍流賊數千自楚入萍趨袁城中堅守獲全癸未秋
獻賊陷長沙萬載天井窩賊民邱仰寰盧南陽等應賊
悉舉攻城城遂空冬十月二十五日張獻忠自吉據袁
署官屬至乙酉署府事推官廖文英同知李時興葺城
為守備五月

國朝定江西先是諸將謝騰雲蒲纓黃朝宣等迭據袁城
九月提督金聲桓遣副將何鳴陞蓋遇時等先後克袁
未幾楚帥黃朝宣自燕子窩督兵數萬來攻營於城西

鳳凰山築土城爲持久計進逼北城

順治三年正月金聲桓遣白副將來援朝宣解去五月協鎮郭天才拆民房置甕城增修敵樓

五年正月金聲桓叛將湯執中蓋遇時分據郡城互相吞併五月執中南下十月遇時西奔袁城復空十一月三關棚賊率衆據城

六年正月譚大將軍遣兵恢復

九年十月湖南兵潰自吉衝袁大掠而去城以叠遭兵寇連年洪潦東西北瀕江者遂圯知府吳南岱推官王延禔後先修築

宜春縣志

卷二

建置 城池

七

康熙三年四月十七夜霖雨爲災北門城圯入江三十八丈五月守道施閏章知府李芳春等詣潭祭告遴匠興築重修城樓暨周圍堞口四年始告竣李芳春記時總督張朝遴巡撫都御史董衛國布政使余應魁右布政使陳宏業按察使蘇銑守道施閏章協鎮許壯猷知府李芳春同知孫席慶推官鄭燠都司董正己知縣董義行等各捐助有差

附李芳春重修郡城記

袁爲郡屏障江楚襟帶湖湘東南一都會也其城創自西漢世

傳爲灌嬰所築而郡史闕其文然觀其規模宏壯構造精密昔賢謂必智慮深遠知地利者所成良然乃歷年久踵以兵燹兼以霖潦墉傾堞摧漸改舊觀雖時一繕修大率因陋就簡苟且具文而已予以癸卯冬奉

而守袁始至之日卽就城池爲急務旦日周覽遺復
得全城漸圯狀兼奉新式改修四門周圍堞壙備造寺
具及四城樓方措置鳩工乃自北城迤邐而東其下有
潭相傳爲盧祝二仙降伏水怪之所里人卽其地設祠
鎮之至今不廢舊時類架木潭上立城年久木壞淫雨
時侵遂於康熙三年四月十七夜城忽陷塌入潭連延
東北迄附郭邑署後更折而西幾三十餘丈予臨視久
之見潭水深不可測法難草率畢事且廢壞滿目深懼
獨力維艱因一面經畫委官度用采石於山陶甃於野
伐木於郊頓極悅瘁而速請於上臺仰荷存注封疆朝
報夕可首倡捐助爲諸屬吏先并允支本年分額編修
城經費遂於夏五月十有三日躬履潭上祭告盡誠督
典史楊賓冲巡檢魏耿奎等遠匠選工大興版築始立
城基樹欄填砌廣投松石務成實地然後加工增益漸
次培築必期堅緻完好而始卽安蓋環城計之工力所
及幾徧東北西三隅分守施公自臨責止親行閱祭節
旄所指官役增勤羣心益奮從此崇墉嚴嚴雉堞稱壯
矣又重修北門甕城樓一座及南門城樓一座並修四
門周圍城堦補築舊城各崩裂處備造箭簾守具共四
門內外城樓八座悉煥然改觀總計袁城九里一十八

宜春縣志

卷二

步今鼎新者自北城盧祝潭至東偏計長一十三丈有
零自潭以北至袁山門甕城內外計長一十一丈四尺
有零自北迄縣署後而西計長六丈有零皆予跋履瘁
瘁經年課督之地也其間灰石諸料有價工傭諸役有
資予拮据調劑皆有朋存要不過上奉功令下爲生
靈及仰承諸上臺覆庇地方至意無曠無擾勉告成功
予敢貪爲己力與夫民繫於城亦懷於德後之良司牧
有基勿壞而亦增廓焉則斯城雖百世可也工始於康
熙三年五月十三日竣於四年
六月初四日特爲紀以告來者

二十二年正月十五日夜暴雨河漲北城下臨江澣古有

龍潭頻爲城患是夜倒塌城垣二十八丈知縣王光烈

照舊修築

二十三年春夏淫雨潭水復漲六月初八日晚北城地藏

菴旁側塌城垣四丈六尺壕口三知縣王復捐費委澗

富司巡檢黃元德監督修築

三十四年九月三十日夜大風雨吹倒外羅城樓知縣江
為龍詳請照舊例四邑分認迭修東分宜西萍鄉南宜
春北萬載注定四縣字樣磚石為據自三十四年後分
宜知縣黃之鳳修東城樓一次萍鄉知縣程世經修西
城樓一次宜春知縣胡巴修南城樓一次萬載知縣何
錫命修北城樓一次

四十一年三月初六日四門塌城壕口六十一個知府胡
應麟檄四縣修理

宜春縣志

卷二

楚置城池

九

日積坍塌工程尤鉅

二十四年知府程廷枚親臨營度知縣郭人傑專司其役

典史吳恩德督理工匠并新城之四門樓東曰宜陽舊名

安通分宜縣西曰萍實通萍鄉縣大路南曰大仰舊名

通仰山古廟北曰袁山舊名通萬載縣陳廷枚記甲辰

年秀江橋圯闢小北門額曰錦春造浮橋以通往來

附陳廷枚記袁陽一奧區也當吳楚之衝接壤湖湘所

謂必智深慮遠知地利者所為歲久地壞間有從事修葺者不過增障濬濠補塞罅漏而已方今聖朝海宇乂安百餘年來無犬吠雞鳴之驚而申畫郊圻慎固封守未嘗不以此為倦倦大中之丞阿公撫江右之三年興利除害百廢具舉檄下有司有城垣奔泐者其議修廷枚承之茲土無敢怠荒縮食節衣為僚屬倡紳士者

八年北城沉塌十餘丈知縣林祖壽補繕費緡錢一千六百餘串




宜春縣志

卷二

堯眉 城池

七



壇廟

社稷壇

在西門外街北一里即宋州社壇明洪武初制天

縣稷之神木主設于壇案上官府率僚屬致祭禮用三
獻祭畢藏之壇基東西廣四十丈南北袤五十丈宜春
附郭統于府咸豐六年髮逆蹂躪壇遂
毀因奉牌位于西門外古大廟中祭之

祭文

乾隆九年頒

維 神奠安九土粒食萬邦分五色以表封圻育三農

而蕃稼穡恭承守土肅展明禋時屆仲 春敬修祀典庶

九九松柏鞏磐石於無疆翼翼黍苗佐神倉於不匱

附張嗣古記

社以神地之道古也邑有祠社之壇禮也

養民之政六府是先金木水火非土不成人非穀不生
故聖人推本始以報祀即天子至于郡邑通得祀社稷

宜春縣志

卷二

建置 壇廟

所以教民反始以厚其本也後世吏以文法相高催科
獄訟簿書期會是究是圖絀禮不講視土穀之祀為具
文壇雖弗飭牲幣弗虔踵陋襲傾類以戊祭應故事禮
則亡矣何有于政宜者社舊有壇在西南顏徹歲久鞠
為榛莽一遇春祈秋報始鳩工役整拔蕪穢事已如初
乃若風雷雨師則望祭于廳之東于禮經尤不協今邑
大夫王君孝序期年政成慨然憫焉亟命工殫治之壇
增其高墮周其外傍立風雷雨師之壇四列其位一如
禮制亭翼于前以虞風雨門侂于外以嚴啟閉周植喬
松創立華表以引遐觀于是昔之廢墜煥然一新夫古
之有民有社者固欲齊民之禮與祀神之禮並行交舉
然而講明古道者尤以民政為事神之本所謂民為貴
社稷次之是已凡百里之寄者使能以禮義迪民毋暴
征無峻令本末有序治化流行膠庠相習于明倫而禮
行于士噉里相安于平秩而禮行于農塗肆相為賀遷
以利用阜生而禮又行于工賈驗諸四民式禮不愆則
事神而神在庶乎可以亡愧不然雖潔斯牲雖崇斯壇
神其吐之矣王君之于是役也蓋深察乎事神之本故
予特書其事以詔悠久嘉
定十二年二月庚戌記

風雲雷雨山川壇 在東門外街南一里宋元符祀典風壇
令增祀雲雷又合山川城隍同壇而祭山川神位居左
城隍神位居右風雲雷雨之神位其中祭期與社稷同
壇基東西廣十六丈南北袤
二十丈宜春附郭統于府

祭文 乾隆九年頒

維 神贊襄天澤福佑蒼黎佐靈光以流形生成永賴
乘氣權而鼓盪溫肅攸宜磅礴高深長保安貞之吉憑
依鞏固實資捍禦之功幸民俗之殷盈仰 神明之庇

護恭修歲祀正值良辰敬潔豆籩祇陳牲幣

先農壇 在東門外二百步雍正四年奉文建祀厲山氏左
郭統于府

宜春縣志

卷二

建置 壇廟

二

郡厲壇 在北門外二里明洪武初立歲以三月清明七月
祀鬼神牌位于壇下左右祭官就位四拜請神位前三
獻復位讀文四拜而退基周四百六十丈萬曆四十六
年知縣廉養貞建公廳
二為更衣之所今圯

里社壇 即五穀壇明洪武初建每里百戶立壇一所共三
百六十所祀土穀之神其制周繚以垣中立土壇
春秋二社
日祭之

文廟 及名宦鄉賢等
祠並詳學校

關帝廟 凡十二所 一在宜春臺下元高伯顏建一在協
鎮署左一在縣學左並祀包公今俱廢一在府治
西北因嚴氏老府改建康熙中遷祀于此雍正二年奉
文以春秋二八月致祭加享用牛一羊一豕一白菓品
五儀式與文廟同又每五月十三日聖誕致祭一次今
被咸豐六年髮逆焚毀同治三年始修復一在小較場
火神廟側亦毀于賊同治二年營兵募修此外加化南
鄉臺洲上薦外鄉西村良田竹亭石外鄉下墩金瑞集

雲鄉澗富嶺
俱各有募建謹按

關帝謚號封爵原稱漢壽亭侯宋祥符五年封義勇安
王徽宗朝加封崇甯 國朝康熙間封忠義神武關聖
大帝乾隆三十二年加封靈佑嘉慶十九年加封仁勇
祭文 乾隆九年頒

維 帝浩氣凌霄丹心貫日扶正統而彰信義威震九
州完大節以篤忠貞名高三國神明如在徧祠宇于寰
區靈應丕昭薦馨香於歷代屢徵異蹟顯佑羣生恭值
嘉辰遵行祀典筵陳邊豆几奠牲醪

三公祠 在關帝殿後雍正五年奉文追封關帝三代公爵
曾祖光昭公祖裕昌公父成忠公 勅建三公祠

宜春縣志

卷二

建置 壇廟

三

乾隆二十三年知府陳廷枚修歲久傾圮同治三年重
修每春秋致祭羊一豕一帛一邊四豆四儀如崇聖祠

祭文 乾隆九年頒

維 公世澤詒庥靈源積慶德能昌後篤生神武之英
善則歸親宜厚尊崇之報列上公之封爵 錫命攸

隆合三世以肇禋典章明備恭逢諏吉祇事馨香

西城文昌宮

在府縣治西嘉慶十二年十三鄉暨四隅四
廂紳民購買登瀛橋牛筋樹下地基自東至

西上橫七丈三尺中橫二十一丈八尺下橫一十七丈
七尺自南至北直計二十九丈三尺東至大路西上至
常平倉後牆西中下俱至劉敦睦土塼南至登瀛橋水
溝北至何姓屋塼橫過至劉姓土塼創建中為正殿殿
前左右翼以長廊護以雕欄中為丹墀甬道前棟三門
中戴魁星左右為房各二又前為宮牆東西列屏門後
為先代殿周圍空基堂左建橫屋五楹為考試給費之所
下二棟前圍空基堂左建橫屋五楹為考試給費之所

經始于丁卯竣于戊辰冬賸有餘資置買田產分布各鄉另設首事經理刻有田冊專資合邑童生縣府院三

場卷費鄉會二試路費知縣龔景沈記惟眾買化南鄉貴西圖下院山田一千二百一十一吧存為宮內各祠

香火檢蓋之資道光二年以院山餘費于門首宮牆內開池蓄水橫四丈四尺直一丈五尺深七尺正殿後地

基是石外鄉大附載下院山田畝邊沙坵高坵中坵上坵

五吧一坵寒塘塘裏早田二十吧一坵雷公確下早四十

廿吧一坵鄱官樹下早田三十吧一坵塘臚上早

田廿吧一坵魚形坵下早田十五吧一坵視上遲田

四十吧二坵易婆園早田三十吧二坵灣坵早田

廿七吧半一坵差泥坵早田十五吧一坵

遲田廿五吧一坵沙坵早田廿七吧半一坵卑嘴

石早田廿五吧一坵樟樹下遲田十五吧一坵

遲田七吧一坵凌上早田三十吧一坵茶兜下早

田十五吧一坵易婆園早田廿吧一坵鄱官樹下

早田五吧半一坵高坵早田廿吧一坵木馬園背

秧田七吧半一坵鴉婆坵早田十五吧一坵

門首秧田六吧半一坵園下早田十五吧一坵黃土坵

早田十五吧一坵沙坵早田三十吧一坵院山門首坵

早田十五吧一坵水圳早田廿五吧一坵院山門首坵

早田十五吧一坵草坪門首秧田廿五吧一坵

早田十五吧一坵秀坑早田三十吧一坵沙坵

早田十五吧一坵江家石早田一百一十吧一坵

早田十五吧一坵園門口早田廿吧一坵

查明院山下各田蔭注水利

下視第七番六分水蔭注草坪門首等處田

上視第六番五分水蔭注小視長坵等處田

七番六分水蔭注墓山下田

上視第十四番五分三厘水蔭注

宜春縣志

卷二

建置 壇廟

注娘娘口等處田 下視第六番六分水蔭注草坪門
首田 上視第八番四分水蔭注榮五口田 上視第
三番二分第十一番三分水蔭注高坵田 下視第
番四分水蔭注橫圳柳樹下田 已上共計水六十二
分三厘 又茅塢上鷺公塘卑嘴不俱係郭礪泉塘西
圳水蔭注 老契共十紙新契二紙 每年額租早黏
穀六百七十一桶遲黏穀七十四桶 應徵則銀三兩
五錢一分六釐米二斗二升九合在北門外廂一箇尾
興賢戶內完納 又興賢 附龔景沆記 史記天官書
堂前圍牆外有土一塊
星曰文昌一上將二次將三貴相四司命五司中六司
祿鄭康成註周官大宗伯標燎之祀以司命司中為文
昌之第四第五星其司祿之祭則文昌第六星也而晉
書天文志乃云三台六星西近文昌以上台中台下台
混于司命司中司祿不知漢書天文志所言三台乃斗
魁六星兩兩相比者與文昌六星之在魁上者不同總
之皆天星也天星之祀非民間所敢預其以人神祀之
者則始于西晉之末姚萇立張仙廟于梓潼嶺迨元延
祐間封梓潼神為文昌司祿宏仁帝君此以梓潼神為
文昌帝君之所由昉也夫陰陽之所合凝聚自必有神

宜春縣志

卷二

建置 壇廟

五

以主之而所以主之者又必有一定之位以致其專精
之意不可惑於渺茫荒忽之說斯誠感而神應之
國朝陸稼書先生靈壽縣文昌祠記以為吾知祀文昌
而已他非所聞也吾知祀周禮月令史記之文昌為吾
道宗主者而已他非所知也在人有至聖孔子先賢先
儒在天則有文昌皆教人以正誼明道而一切計功謀
利之私不與此言甚正大而無弊近世上自貢闈學校
下至里黨家塾莫不各有所祀而大儒碩彥如宋之真
西山元之袁清容明之邱瓊山王守溪諸先正或崇奉
寶訓或修理祠宇自此帝君之祀漸次遍天下我
皇上褒崇帝君之福國佑民于嘉慶六年特令海內郡
邑崇祀文昌于是天下莫不歡欣鼓舞慶其懋典宜春
縣學舊有文昌閣奉安香火但肆筵拜獻為地無多未
克丕展眾誠于是邑人士僉謀度地域西鼎建新廟軒
閎壯麗金碧輝煌以為帝君主座宮牆外左建堂五楹
祀題捐者之祖父右方則為廳事齋館為經理者住宿
之所其餘資廣置田畝每歲租入祭祀外歲科兩試之
卷資鄉會兩闈之贖費皆取給焉此于諸家之說所言
文昌者因時起義不執天神以例人神惟取專誠以邀
神貺總期于科名仕宦之顯耀穹窿而仍歸根于正誼

謀道之學則士習益醇文風益茂多士鼎甲巍科雲蒸霞蔚以副盛世文明之景運豈非守土者之所甚望乎嘉慶己巳仲冬記

府城隍廟

舊在府治西北隅明洪武初知府朱守仁遷宜陽門內報恩寺左宋靖康末賜額顯忠嘉泰間

封為靈惠侯端平元年詔封穎陰威顯英靈昭應侯因穎陰為漢初灌嬰封邑遂傳袁城是嬰所築廟即祀之洪武四年正祀典乃稱袁州府城隍之神與風雲雷雨山川同壇而祭并主郡厲之祀俱見前官初到任先期致祭而誓歲久漸傾圮乾隆二十三年知府陳廷枚捐俸鼎新有記五十年署府陳澧復修增後棟及左右翼屋數十間正門五楹照牆圍垣旗竿較前倍加壯麗咸豐六年被髮逆毀同治二年知府朱景榮修復

附唐劉驤記

有天下有祠祀有郡邑有城隍雖遍天下尚其神而未有標名氏者多因土地以

祀惟袁古之城按漢書高帝六年春大將軍灌嬰所築先未有郡是古宜春縣城隋開皇十一年置宜春郡大業三年改為袁州因山名也移縣于州東五里古今得以灌將軍稱祀焉夫固護城池福及生人俾其甲馬安

宜春縣志

卷一

建置 壇廟

六

而士卒和司局甯而官僚泰千里之內樵童牧豎農夫織婦識君臣少長之禮名儒秀士時時聞出災沴不作人不天殤此乃郡政所致而由神之冥化也大中十二年潭廣宣洪士馬紛擾人不聊生是歲州之小卒蟻聚欲興剽劫而機洩有密告之者伏法袁人解脫虎口之難莫不由神之陰惠也大中十四年太守魯郡顏公遐福理斯郡公文章獨步致身高科自辭天闕恭播皇猷洎今未逾二載百穀豐萬彙蘇而疆土無事今則郡城丕變風化斯新公因謁神退曰神之所止不宜湫隘可以高張棟宇後拜奠虛其禮樂之位禱報嚴其樽俎之所公之祇敬神心如將軍在焉乃指縱于都押衙李汾等目其地勢採其形勝從舊廟東三十步之外以成通二年十月二十四日構斯堂宇環廊廚院廳廡舊碑闕五字亘雄虹之長梁結枌椽以相接丹楹森布彩櫺疊施繩墨之工雅合其度公理俗政靜商賈原其利願投金帛以新之軍吏安其職咸請同力以成之未周星而斧斤巧壘彩績告畢益公之指委監蒞得人矣驤奉命輒敢撰列其功紀其建立年月而敢獻神言惟神聰明正直我公致力于神神宜饗公之德有

陳廷枚記

唐二百四十五祀壬午夏六月三日記

為城鑿土為隍通天下郡邑無不得祀者然必有其神
司之乃能戢奸宄捍寇攘消厲疫而廟食千秋於不替
考之史灌將軍平吳定豫章諸郡袁城亦為將軍所築
故城隍之神皆以為將軍所謂有功德于民則祀之者
也神之有造于袁不能殫述其最著者莫如大中十二
年潭廣宣洪有警禱于神州之乘間肅聚者機洩伏法
人獲安堵昌黎公刺袁時歲大旱禱于神甘霖立應永
樂十年猛虎為害僉事黃公禱于神虎莫知所之然則
神之功其在聖王制祀之內也明矣余恭膺簡命蒞
守是邦齋宿之日見其堂基門廡半就傾圮徘徊久之
慨然以興創為己任下車未幾未忍以力役勞吾民越
至戊寅春商之寅屬爰及紳士詢謀僉同乃縮米祿為
倡卜良辰操祝幣以告定位高厰爽塏宜只度選材木
棟梁良只鱗次文瓦鴛鴦疊只黜以丹雘楹楹煥只未
幾而工告竣自士夫以至樵夫牧豎瞻拜其下者莫不
洗心屏息儼神之臨其上而質其旁也眾競請予言記
之予曰于所以居神則得矣尙未極所以事之道也夫
神聰明正直依人而行吾僚屬誠以子愛百姓為心居
斯土者孝弟而忠信不犯于有司則神降之福豈有己
乎願與郡邑吏民交勉之

附韓愈祈

宜春縣志

卷二

建置 壇廟

七

雨告城隍文

維年月日袁州刺史韓愈謹告于城隍神

罰以久不雨苗且盡死刺史雖得罪百姓何辜
宜降疾咎于某身無令鯁寡蒙茲濫罰謹告

縣城隍廟

在報恩左府城隍廟右洪武四年正祀典稱宜

張綸捐資全修乾隆二十三年知縣郭人傑重修五十
八年知縣胡湛勸各商捐錢十千文修建未成胡調繼任
年知縣胡湛勸各商捐錢十千文修建未成胡調繼任
林祖壽續籌款竣工共費三千四百餘串為記紀其事

附黃河清記

是廟乾隆二十三年郭君人傑重修介在

東既偏隘又卑陋敗壞無以稱官吏軍民報答致敬之
心改而新之為宜謀之報恩寺僧壽山慨然捐地五尺
西陝既寬截長補短乃可經營余首偕僚屬捐廉俸而
四隅十三鄉之人皆踴躍樂輸先定規模高廣視舊有
加以乾隆五十八年冬興役速六十年春告竣費棟唐
贊門垣左右夾宮塑像之屬以及懸簾之鐘焚帛之鼎
漸次煥然一新以其用力之久而用費之多不可不紀
實以示後余按劉驤廟記云袁州城漢灌將軍嬰築古

今得以灌將軍稱祀焉後太守陳公廷枚祖其說攷之祀典洪武初詔城隍名號各從其郡邑之稱國朝因之故祝史至今致祝必先具文謹題籤曰宜春縣城隍之神既不正署灌將軍自不應勒舊說以悖于國家頌祀之典蓋儒者之于是事必以義正名不以疑誣實典禮所不許務立文字以顯之是求信而轉啟疑非所為誠一以事神也事神在敬不知神之果孰為神不害為敬若作其祝號不得名灌將軍而拜跪獻奠之際以為必此神焉無疑名實兩乖信疑莫定義安所取且古城隍即灌將軍焉知今城隍亦灌將軍禮勝國之社屋之別作新社以受明禋又傳言自夏以上祀烈山氏之子柱為稷自商以來祀弃為稷故余文不沿劉陳之說凡所為報答而致敬者一視聽謹禮節止知宜春縣城隍之神而已敢鑿空以滋惑哉至青蓮寺府縣志俱無考惟虞道園慈化寺碑稱是公作大橋于郡城之東跨秀江作普蓮寺以主之青蓮當是普蓮之譌以寺連廟後使寺僧兼司是廟啟閉故附載焉董斯役者官屬某某各捐助有差書役勤事勞勤者與鄉隔捐助姓氏刊垂

林祖壽記

神以理幽吏以理明凡屬城邑二碑陰

建置 壇廟

宜春縣志

卷二

治事則神豈可無廟宇以式憑哉余丙寅歲來宰宜春查縣城隍廟在東城門內府城隍廟之右即行展謁適值修建未竟叩其原委知斯廟毀于丙辰粵匪踞城時前宰胡君湛令各屬捐錢十千文始興作廟役余閱其址廣表規制崇閣誠得居神之道今工未半而費已不敷此責余何能已爰復籌款使迄善完材木磚瓦選擇維良勳聖雕續工施維麗中殿堂宇崇城隍也後拓寺院奉列神也旁巨廊廡像森羅也前作樓臺便報賽也統計斯役自乙丑興工越丁卯告竣共費金錢三千四百餘緡至是落成入其中者瞻觀肅聲靈赫儼神臨上質旁莫不懍懍惕息頗心去而善心生眾欣居神有道競請余言以記之於戲廟貌巍峩神之靈爽其憑依矣將禦災捍患冥冥維持吏所不逮為斯民錫之福竊聞神聰明正直依人而行彰善瘴惡毫不假借余願自今以往蒞斯邑居斯土者各存一神為伺察之心互相砥礪感格之原庶幾以妥以侑俾神永享血食于勿替以作一邑之保障當有事之秋眾志成城毋作神羞也可即記之以交勉焉

龍王廟

有二一在治西七里即報功祠唐郡守李將順于此疏陂水入城民利之號為李渠遂立廟以祀

廢一在宜春臺下瑞金庵左雍正六年知府程文華奉
文建祀福巔甘澤龍王之神以春分秋分日致祭咸豐
六年知縣林祖壽修復

火神廟 有二一在東門內小較場衛官春秋致祭被髮逆
郡王廟 在宜春臺下祀宜春郡王李游髮

許真君廟 有十三一在靈泉池左乾隆五十八年眾買民
一在薦外鄉竹亭一在西村一在嶼塘一在石外鄉金

瑞一在遷喬鄉栗村一在化北鄉三陽橋一在信義鄉
二字橋一在歸化鄉彬江一在石裡鄉模塘程姓捐置

田產以供香火一在化北鄉槎村北塘一在府城東門
內一在城南絳橋嘉慶二

年眾建費銀二千餘兩

天符廟 有五一在府學前菱池巷內一在秀江橋北一在
集雲鄉南廟一在化南鄉泉塘一在薦外烏石

太尉廟 有四一在縣治後左唐湯迪刺袁有功袁人立祠
祀之一在薦裏鄉片七畝劉家源一在薦外鄉竹

宜春縣志 卷二 九

亭一在新庚
一在鸞坑

袁忠毅公祠 原在府學前青石街嘉慶元年橫塘後裔建
崑移建于宜春臺下奉公神主

附陳崑記 袁郡舊有忠毅公祠湫隘圯毀咸豐八年予
象斯邑謀改葺之象將期祠適成遂授筆為

文以紀其實余向讀明史至忠毅公傳每想見其為人
在京師屢過三忠祠南公授命處未嘗不嗚咽歔歔也

今夏課農至橫塘橫塘者公故里也余慨然念此忠臣
義士之鄉為攬轡遲迴者久之及接公族人子為余指

點其山川田廬某為公遊釣處某為公讀書處則愈不
禁低徊大息信宿不忍去夫人于夙所嚮往之人而又

親履其地必為詩歌文詞以致其慨慕咨嗟之意則余
于忠毅公祠烏可以無言竊維明亡福魯唐桂國王送

起支持殘局十有餘年而後滅中間大臣殉義者惟唐
魯桂三王為多洪光一朝至今史册所載者僅史可法

左懋第與公三先生史以城破不降死左以出使不屈
死節最著而忠毅公則于江州之潰遲之又久而後死

死節最著而忠毅公則于江州之潰遲之又久而後死

當時頗有異議雖事久論定而心事則世有未盡識者
世謂明北都之亡亡于闖之北犯南都之亡亡于左之
內闕論世者皆以為然考福藩援立時左良玉鎮楚跋
扈有異志忠毅公督潯偵知之亟馳書勉以大義左大
感動始受詔如禮迫索餉內向舳艫數百萬蔽江而下
公以飢疲二三千卒力扼其衝良玉雖未即從臨危顧
城申火起曰我負臨侯我負臨侯則當時揮帥策驚暴
戾之氣固已隱懾于忠義之忱而不敢動假良玉緩死
或竟不死必能返鎮武昌與公同心戮力控制上游為
東南半壁稍延數載之命以待錢肅樂瞿式耜黃道周
張肯堂諸君子出天下事未可量也洎夢庚既降挾以
俱北數求死不得猶欲忍辱須臾冀得當以報及賂天
命有歸乃毅然一死報二祖列宗于地下而有明三百
年之天下遂于是乎盡矣此公之所以隱恨而不能自
于後世者也嗚乎若公者不洵可痛哉雖然公去今二
百餘年矣亦自忠于勝國耳于我朝何與宜邑自漢
唐以來多名人如陳重盧肇鄭谷輩皆無專祠何獨祠
公袁那迭遭兵燹祠宇頽壞者眾矣何獨先葺公祠夫
忠孝節義古今來所為磨厲斯世之具也今天下亦多
事矣而吾願汲汲于此者豈徒為公故哉將斯世平願
建置壇廟

宜春縣志

卷二

理亂之幾亦于是乎微 熊為霖忠毅公贊 文丞相慷慨
之因不禁援筆為之記 兼之故星電炳其英靈而河岳
疊山從容就義惟先生兼之故星電炳其英靈而河岳
亘其氣勢緬道範之如生信金昭而玉料何古今人不
相及歟宜千年俎豆于 祠公于府學講堂西以李翱

韓文公祠

宋郡守祖無擇始祠公于府學講堂西以李翱
修黃幹記明正統間巡撫韓雍知府姚文遷于宜春壘
右即今址知府王炬續成之饒習禮記嘉靖己酉知府

劉廷誥知縣徐栻修乃改
為昌黎書院即祀公于是

附祖無擇記

元和十五年昌黎韓公嘗為袁州刺史後
之公諱愈字退之幼孤鞠于兄嫂氏嫂卒服期喪進士

及第應董晉張建封辟為汴徐二府從事入為國子博士
士監察御史關中大旱民死盈路公請寬徵復租幸臣
切齒貶連州陽山縣令在陽山有善政既去人懷其惠
生子悉以韓名絳江陵府法曹參軍再為博士避謗分
司東都遷尚書都官員外郎判祠部僧之無長者一切

置于理用是後力穡者眾故河南縣令將發魏鄆幽鎮
留邸亡卒尹恐禁止恩職方員外郎及比部考功郎中
史館修撰知制誥初議討吳元濟朝廷文武大臣無敢
言者公以為宰相被殺中丞傷僅免若是兵可息乎及
裴度出征公以太子右庶子為行軍司馬先馳至汴說
韓都統洪韓輿疾以從蔡州平公謂裴曰王承宗可取
乃授書栢者以往承宗即獻德棣二州轉刑部侍郎佛
骨至自鳳翔百姓火肌膚為傾京師公上疏極諫其不
可因得罪貶潮州刺史近境有鱷魚食人公以文逐之
輒輒遠去移刺袁州袁之民男女為人隸者諭約則沒
不得出公皆計備予直而出之尋奏聞著于令拜國子
祭酒接學官儒生必以禮除兵部侍郎鎮州亂殺其帥
署王廷湊為節度詔公宣撫既行穆宗遣止之公已入
矣眾皆危公公辭氣慷慨與士卒論存亡順逆之理莫
不聽命解深州圍歸牛元翼以吏部侍郎典選聽令史
出入令史之勢遂輕任京兆尹六軍將士咸畏憚不敢
犯曰是欲燒佛骨者其為人信服如此憲宗既聚公于
潮且將復用之為皇甫鎛所忌乃以公為狂疏止可量
移一郡故有袁州之命公自鎮州還穆宗即欲相之會
京兆尹以不治聞乃擢公兼御史大夫有勅無臺參中
建置壇廟

丞李紳繇是不協復為吏部侍郎卒贈禮部尚書嗚呼
公之器業可謂宏深魁偉施于行事細大夷險無所不
宜其文章博辨卓詭與商盤周誥相上下惜也孔子沒
無聖人者為之章顯以信後世而見紳于史臣之筆其
亦不幸也歟無擇何人哉道不加修學不加益日夜懋
勉庶幾前烈謹拜書其實以著于記云時皇祐五年十
一月黃榦記自堯舜至于孟子二千年間聖賢迭興
一日阜陶伊尹萊朱太公望散宜生之倫亦皆得以與知道
者之列顏魯子思則不待言而源流可考也自孟子蓋
千年而後有韓公獨以斯道之傳為己任以古準今一
何盛哀顯晦之殊耶古者道德風俗同歷世雖久所
守者一說而見素明也周衰異端之禍起學者各以其
所見為守而道始晦故古之為道也易後之為道也難
若韓公者尋陸緒于支離踏駁之餘而卓然有見焉則
自比于聖賢以奠斯道之傳宜矣公固以道自任後世
之稱公者亦以道歸之約六經之旨以起八代之衰排
二氏之非以濟天下之溺諫宮市貶諫佛骨又貶流離
困頓顛死而不悔公如鎮州迂公者皆甲人為公危之
公以理開諭皆悅首聽命非有道能若是乎然先儒誦

當起弊才聞道荆湘撤烽火一尊聊向薜蘿開層樓
兀峙最高峯湘水湖山在眼中慷慨有心馴暴鯁誅求
無計定哀鴻碑餘苔蘚風霜古祠歷干戈草
木空顧我登高慚作賦起衰端欲問宗工
李夢陽

謁韓文公詩刺史寒帷地遺祠竹樹森此來瞻廟貌千
古見人心臺傍宜春寂江連下浦深招魂

魂不返風雨四山陰袁州山在城韓廟倚山青冕服
前朝貌文章百代名石苔猶馬路春竹自鶯聲立望潮

陽近翻翻葉涵雲詩文起八代衰道濟天下溺髯公
海氣征

道攝叛伸大節當世無孔孟不在弟子刻能開衡山雲

能馴南海鱷精誠爭豚魚難化吉與鑄信讒疎忠良可

惜憲宗惑翻嫌佛骨表危言大憚直八月守潮陽潮人

始知學期年刺袁州治行猶卓卓過化而存神聲名何

洋溢到處走村翁伏臘期無失我來先生祠諸生猶鼓

篋再拜俛仰聞音容儼相接恨余生也晚既不能親炙

私淑又無人道統終打格劉克莊謁祠祭文嗚呼先
竊附為聞知聊以存一脉

之大節垂世之文章史臣比之山斗不可學也至于出

牧潮袁二州之人皆嘗奉之至今則某願師法其萬一

宜春縣志

卷二

焉視事之葛謙白祭文公以勁節忠操為唐名臣由
初敢告

章告至之表載在方冊讀者悚然頃者備數貳卿以罪

去國天子不終棄俾守茲土視印之始其敢不拱拜祠

昭忠祠在府治西關帝廟左嘉慶八年建祀陣亡兵弁自
元年出勦湖北匪至八年共陣亡十一人過營把

總胡金豹外委陳廷珂兵丁唐廷彩袁上麟盧榮陞李

文華俱本邑人萍鄉劉光發新喻樂平分宜歐陽景峽

江王申明俱兵丁廟今毀同治間署協鎮

賀掄元改建于署後箭道內祀陣亡諸弁

袁天罡祠在譙樓上郡志云先生開五井以固風水大有
德于袁明萬歷同知李瀚崇祀于樓又修鑄天

罡原造銅璇璣于觀天臺自為記歲久盡圯康熙六年

郡守李芳春重建餘詳譙樓按此祠李瀚崇祀袁天

罡接任侯世屏記指為袁京攷嘉

定志開五井亦非天罡恐悞前志

三賢祠即秀江書院先是宋州守張杓祀周敦頤程顥程
頤於郡學講堂東為三先生祠朱熹記元季兵毀

明正統間都御史韓雍命改建于宜春臺右錢習禮記
正德間知府姚汀復移建萍實門外增祀朱熹張栻曰
五賢祠俱廢萬厯間知府鄭惇典仍移建于宜春臺右
舊址春秋致祭乾隆五十五年修縣學餘貲遷建南門

宜陽書院後今祀
西城宜陽書院內

附朱熹記

宜春太守廣漢張侯既新其郡之學因立濂
溪河南三先生之祠于講堂之東序而以書

來屬熹記之蓋自鄒孟氏沒而聖人之道不傳世俗所
謂儒者之學內則局於章句文詞之習外則雜於老子
釋氏之言而其所以修己治人者遂一出於私智人為
之鑿淺陋乖離莫適主統使其君之德不得比于三代
之隆民之俗不得躋于三代之盛若是者蓋已千有餘
年于今矣濂溪周先生奮乎百世之下乃始深探聖賢
之奧流觀造化之源而獨心得之立象著書闡發幽秘
詞義雖約而天人性命之微修己治人之要莫不畢舉
河南二程先生既親見之而得其傳于是其學遂行于
世士之講於其說者始得以脫于俗學之陋異端之惑
而其所以修己治人之意亦往往有能卓然不惑于世
俗利害之私而慨然有志于堯舜其君民者焉蓋三先

宜春縣志

卷二

建置 壇廟

古

生者其有功于當世于是為不小矣然論者既未嘗考
于其學又拘于今昔顯晦之不同是以莫知其本末源
流之若此而或輕議之其有略聞之者則又舍近求遠
處下窺高而不知即事窮理以求其功于修己治人之
實也嗚呼張侯所以為此祠而屬其筆于熹者其意豈
不有在于斯歟抑嘗聞之紹興之初故侍讀南陽胡文
定公嘗欲有請于朝加程氏以爵列使得從祀于先聖
先師之廟其後熹之亡友建安魏君揆之為大學官又
以其事白宰相且請廢王荆公安石父子勿祠當時皆
不果行識者恨之至于近歲天子乃特下詔罷臨川伯
雱者悉施行之且又推而上之以及於濂溪其無慮于不
從矣張侯名杓丞相魏忠獻公之子文學吏治皆有自
法觀于此祠又可見其志之所存者異時從容獻納自
發其端使三先生之祀徧于天下而聖朝尊儒重道之
意垂于無窮則其美績之可書又不止於此祠而已也
故熹既為之論著其事而又剛此說
以俟純熙五年冬十月辛卯朔記 錢習禮重建三
先生祠記 道之大原本于天用之在天下傳之在聖賢
自堯舜至於孔子至于孟子皆五百年或百

宜春縣志

卷二

十五

為爾諸生觀省之助云

有餘年而聖賢出故斯道之傳繩繩不絕自秦而降漢
晉隋唐以及五季千數百年之久聖賢不作斯道不繼
至宋興五星聚奎天啟文明大賢輩出時則有若濂溪
周先生河南程氏兩先生皆以傳道為己任圖之于書
探造化之原明事物之理發往聖之所未發覺斯民之
所未覺扶天常正人紀使斯道大明昭如日星其功與
天地相為悠久可也天下學士翕然宗之故所在學校
多闢祠室以祀焉袁之祠舊在學宮西偏迫隘庫陋不
足以示嚴奉之意比歲都御史韓公雍按部至學謁拜
祠下徘徊興嘆亟命郡縣長貳與韓文公廟徙至宜春
臺右一時並作制與廟稱左右列之肖像其中濂溪先
生南向坐明道伊川先生東西向以侑焉郡之父老上
民來觀者莫不稱慶然祠之設豈直為觀美哉尊賢尚
德而風勵之意存焉凡袁之上浣力于聖賢之學者歲
時誌祀進拜跪奠近先生之貌像而瞻仰之悠然與高
山景行之思惕勵于中退而玩其圖誦其書味其言存
諸心蘊之而為德行見之而為事業斯無愧矣若徒淪
溺于俗學之陋持之以取科第謀利祿釣聲譽不足以
淑人心扶世教是則三先生之罪人而非公與郡縣之
所期望也可不勉哉遂言為記俾刻石而實諸祠間以

建置壇廟

劉猛將軍廟

有二一在忠毅祠左側橫塘袁姓紳耆建咸豐八年飛蝗害稼知縣陳崑設位為文以祭

天遂大雨蝗皆被水漂沒種類盡絕因令建祠祀之
一在薦外鄉十九福崑斌興寺與諸神同祀

附陳崑祭文

聞之邑有賢令蝗不入境今蝗蝻叢生邑

怒于眾百姓神之示罰毋乃頗乎邑令無狀願天降罰
于其身雖膏斧鉞罔敢怨愚民無知願神之有以赦之

也謹席藁以待

仰山古祠

在城南六十里地名古廟唐會昌初建祠于仰山瀨潭之側宋加王封賜額為孚惠元重修明

宏治間知府朱華闢路發石以便祀禱萬曆中知府鄭惇典汪若冰先後修葺泮鄉簡繼芳記

附鄒登龍游仰山寺詩

施地開金刹前因結佛緣怪松盤獺徑古木護龍淵雲裏春山

亂禽啼夜月圓路遙歸不得好借上方眠

孚惠二王正祠 在城南三十里地名堵田俗稱南廟唐廣

記宋張商英復記元歐祥廣其宇後圯知府鄭惇典復修

附朱恂記 仰山之神姓蕭不知何許人也仲曰大分季

別殿昔有徐璠自蕪城歸宜春繫舟彭蠡忽有人附載

自稱蕭氏居仰山之陰石橋之右逮及茲鄉約來石橋

告別去璠應期至神詢所欲訴以無產思十畝之田給

家俄而驟水漂蕩陵谷成田五頃他日再往潛覘其形

見二龍方悟其非人即仰山神也厥後屢著靈驗里民

尸祝肸鬣威神愈彰唐廣德末神感夢于太守閻公瑜

曰我龍之伯仲也姓蕭氏祠在仰山既險且阻將徙近

爾郊詰旦視之則盡拔殿宇置山下去舊祠僅一舍即

今廟也朝廷以廣惠公贈太保次曰昭靈侯贈司徒噫

巨靈之擘太華也萬古以爲異而神之拔棟宇涌邱壑

豈非異乎袁之農夫實有所賴保太七年刺史邊公鑄

以廟貌弗嚴棧費漸損遂興心匠重構方架重門旋解

任明年刺史張公承傑下車歲微早爰請軍事判官駱

延卿虔祝二神願續締建果獲元貺歲稱有年因率屬

宜春縣志

卷二

建置 壇廟

夫

邑僑工修之未終其謀而去十年六月李公微古自銓

曹郎而牧斯郡求瘼之始親造其祠命畢厥工用成前

美廣楹長廊丹檻刻桷規模宏麗爰飾其像迎於二殿

士民鳧集盡其瞻敬非二神不能垂其祐非賢侯不能

崇其祠因紀其事用刻貞珉保太 張商英記 仰山在

十里神姓蕭氏仲父曰大分季子曰隆初廟在山之瀨

逕潭後徙于堵田唐咸通中封秩視文昌郎南唐時大

分封威烈王降封靈顯公本朝大中祥符二年改封王

曰靈濟公曰明顯考之遺圖訪之耆舊昔有徐璠者宜

春浦村人也還自維揚舟次彭蠡有兩蕭生附舟以載

順風揚帆一夕至袁顧謂璠曰子家仰山之下石橋之

右若欲雨欲暘乎璠悟其神也叩頭訢曰璠無田可耕

雨暘非急俄而山水大至夷高淖下爲田五頃今浦村

西徐田是也唐武宣間釋之徒有惠寂者隱於郴州王

莽山以嗣瀉山靈祐之道宴坐之際禪牀陷地尺許山

神跪曰吾地薄不足以棲大士袁州南仰師所居也會

昌元年寂捧錫而來尋澗而入夜憩大樾泊然假寐有

二白衣進曰深山險絕師當何往寂曰吾欲卜庵於此

白衣曰我山神也願以此山施師寂曰汝能發歡喜心

廣大心無障礙分別心則吾受汝施白衣曰諾即指集
雲峯下曰庵基莫吉于此居數月神來告曰陋旅據水
上游恐汚飲漱遂徙居下流五里三年四月十三日神
又來言曰師淨侶曰盛咫尺共住勢非所安請徙居中
途且以族四方參學為一頓之地是夕大風雨拔木黎
明廟已建于堵田寂之將滅也神泣別曰法恩深厚未
知所獲寂曰吾師瀕山以正月八日去寂汝能為吾營
齋吾事畢矣于是城中火神于空中具述其事太守再
拜許之火乃滅遂於其日齋僧于廟席地而坐威靈恐
怖眾莫之測神言曰何不造僧堂擊榷椎如叢林之制
眾又從之徐鉉在金陵時二少年謁見風姿灑落語論
高妙鉉曰二君吾國之秀也何相見之晚耶少年曰僕
家于宜春之南三十里方春農事興國人在此仰山之
姑至此避之鉉與之遣人物色已失所在此仰山之
略也吾聞莊周之言夫道生天生地神鬼神帝馮夷得
之以游大川肩吾得之以處大山然則山川之神皆得
其所以為之道而分授天地之職故能雷霆電雹以致
其威雨雪霧露以致其澤祥風休氣以致其和疵癘旱
暘以致其罰性其得道也故可以與之進乎道若二神
者幾之矣嗚呼茲山介于南方僻左之境蛇鱗之都虎

宜春縣志

卷二

建置 壇廟

七

豹猿狐之所廬魍魎魍魎之所窟宅蔽以荆榛限以嶽
絕樵夫牧子望崖而返馬蹄車轍不與人問世通者莫
知其幾千萬年而二蕭乃與惠寂老相值于曠莽岑寂
之間悅其風樂其說不愛其宮室居處之安谿山形勢
之美委而去之無少靳心若二蕭者其進乎道者矣惠
寂老歸死于東山其事獨傳于其徒而其徒不能宏其
事繼之以亂離因之以廢壞邪巫老祝假托禍福以瞽
流俗而神死無以明予素知之元祐六年春將漕江西
會廟合盜神廩者為姦而佛印禪師了元者適居仰山
因移郡下元擇僧主之元來言曰淫祀不可遽革釋乎
巫乎一聽于神禱而卜之神以釋告于是國人改隳悍
調服流膏割鮮化為伊蒲寒菹之饌淫歌踏舞化為清
磬梵竺之音元遣法子正己求文記之因敘
其本末而示之肯元祐七年九月辛丑日記 范成大

遊仰山謁小釋迦塔訪孚惠二王遺跡贈長老混融田

谿淵清洄洄梅州問路寒雲堆連空磴道虬尾滑竹輿
直上無梯階官吏來迎夾道立相逢無言心眼開翠微
中斷空礧吼兩耳不辨供喧喧林間靜極成斷相政要
萬壑號風雷山如蓮盆繞金地龍宮避席餘蒼崖祖師

抱膝坐古塔大禪海浪翻天來騰空狡獪我未暇拄杖
踏溼銜毒苔問龍亦借一席地解包聽雨眠西齋當年
公案忌錯舉神通佛法同坑埋混融庵中的的意笑
我舌本空崔嵬茲事且置飽喫飯稀田米賤如黃埃

季惠二王行祠 在宜春臺上宋建炎二年金人寇城見黃
紹興間因立行祠周必大記咸

豐六年寇毀同治九年擬修

附周必大記 袁特孚惠二王為司命郡以宜春臺為勝
境壯亭榭于林木之表山川城郭俯視無

遺輟燕游以奉神傲則改為者太守狗邦人之志也按
仰山距城七十里而遠二王既敬釋氏遜山與寺徙廟

堵田距城三十里而近人猶不釋朝夕致敬也故凡
水旱疾疫迎神臺上以便祈禳已事乃歸其來久矣建

炎中劇盜金兵繼至守奉像設而駐師焉賊薄城若有
禦之者最後望見二神黃衣白馬往來雉堞間駭異而

走紹興初即臺立行祠純熙甲午易亭為殿又移慈濟
院于臺西奉惠寂禪師即神所敬者初寂歸老韶州將

謝世神往訣別問豈無見屬乎寂曰吾師靈佑禪師以
正月八日游于瀉山宜就是日普設齋供神敬諸自後

宜春縣志 卷二 六

及期則肝蠶幽贊緇素咸聚歲以為常既遷城中齋會
滋盛遠人四集凌虛劄閣以待有眾慶元己未九月丁

未融風為災一夕俱燼士民謹曰此飛簷架空之咎也
爭輦土石培展臺基首營正殿五間後列瀉仰二禪師

暨王之父子又為堂以識參請設亭以備拜享別造齋
閣于新址總用錢八百餘萬郡守李訖捐金穀倡之闔

境爭趨和之明年四月訖功來求記予聞靜者為性動
者為情性無有不善情則隨物應焉大而天地明而為

人寂滅者佛變化者神雖曰殊塗然而仁民愛物之性
善善惡惡之情未嘗不均今二王既弭災捍患加惠斯

民民亦秉懿好德思媚神靈故是役也富者輸財壯者
效勤自求多福用底于成得非道一而已如吾儒所云

者乎咨爾袁人治情以禮養性以仁以稱天地神佛志
佛之心還比屋可封之醇豈惟袁人四方其訓之

王守仁詩 持羞江藻拜祠前正是春風欲暮天童冠儘
多歸詠興城南兼說有溫泉 古廟香燈已

有年增修還費大官錢至今楚
地多風雨猶道山神駕鐵船

袁高士祠 即高士書院祀鄉賢袁京在縣學右明萬曆辛
丑提學道錢檄府縣建祠自為記後重修

附錢櫃記 漢陳仲舉為豫章守甫下車而首訪徐孺子

袁陽庶幾遇其人而不可得進而求之于古有袁先生

京亦為袁山而郡無其祠答在有司子以初至力不能

特創下地宜春學右得廢驛猶存堂一楹門垣漸就圯

矣喜其易舉將有事焉尋以憂去不果渾之十年予復

視學江右行部袁陽而郡刺史高君以舊誼觴予于宜

春臺遙望故址并堂與門垣無之矣子憮然道故高刺

史請以身任之不一祠成徵子言為記且曰是公故

志也子因歎古之王侯將相或有功地方或生長茲土

既沒而人思之為之立祠以識不忘又未足而即其生

平所居所經之山水而豔名之止矣至以之名郡似止

吾浙西之嚴與江右之袁則以子陵與先生故兩人皆

布衣而兩郡之名若增而重餘鮮聞者如所稱徐孺子

第以懸榻名其里而豫章之郡不改乃袁猶然不敢直

斥其名而祇借其姓既以名郡而更又以名山尤足重

也及欲數其事而稱之則寥寥無聞即徐孺子陳義至

高亦僅僅炙難絮酒遠酬故人一事為可稱繇此以談

士君子砥行立名而垂芳耀景者豈必名位勳猷哉而

宜春縣志

卷二

建置 壇廟

九

孺子不遇陳仲舉亦何所托以不朽千載而下誰知南

州之有高士故聞然自修較然不欺而姓名湮滅泯泯

不傳者古今亦不少也今豫章有孺子祠歲祀不絕而

哀陽尚未舉行非先生之不能為孺子固余之不能為

仲舉耳願前此白歎至今莫不舉矣而子始欲舉之即

余欲舉矣又不克終而直待今日是亦有數也是役也

高刺史實首倡而陳司馬經營尤力即其故山佃金得

百餘不煩官帑宜春周令又以俸佐之始落成焉為堂

五楹奉先生于後而前堂亦五楹為講堂左右廡各十

諸生肄業其中門樓翼然郡城如屏秀江若帶學宮踞

其東長橋跨其西稱大觀矣甯不足一當先生乎刺史

林其宴記

縣人皆得並書 按郡志袁州于漢屬豫章

對峯巒秀拔高士袁京隱居于此故號曰袁山州亦由

是得名焉明萬曆辛丑提學錢檉徽府縣建高士祠歲

久弗葺將圯矣歲庚戌袁生錫志等董役學宮以其餘

賁因舊址而重修之乞予為記子嘗謂天下郡國州縣

以及名山大川諸勝境譬如題然人物譬如文然文之

至者題且據為己有人莫得而爭之故名賢碩彥其生

長卒葬之邦與夫宦遊僑寓題詠之所後之人必考據其年月辨其訛偽異同載之志乘以爲美談一若非其人則山水亦且漠然無所屬者是地以人重也雖然予猶疑之西江之有滕王閣王子安以序據之雖三王並稱而于子安終當首屈一指也至昌黎文公爲有唐集中者重修滕王閣記具在也而世弗豔稱之非以子安之序固有所獨至者歟然則以人爲文而傳不若以文爲文而傳也明甚然自有袁郡以來二千餘年于茲矣數名宦者獨推昌黎文公他如李衛公房次律不可謂非卓卓者而名終爲文公所掩攷文公在袁其見于文者惟量移袁州謝表及上五色雲表二者而已舊唐書亦僅載禁約男女不得隸人一事其他治蹟無所見而袁之人至今稱道弗衰非以其人爲一代名儒歟是又以人重也予竊評之袁有鴻文二篇焉一爲袁高士一爲韓文公高士之文奇而幽文公之文闕而肆于袁郡山水皆能發揮盡致而雅與題稱者莫乎尚矣後有作者弗可及已抑予聞之李白登黃鶴樓見崔灑詩擲筆不復敢題而于鸚鵡洲鳳凰臺一再擬之惟恐弗肖也袁之人于高士不必爲李之于崔子于文公敢不如

宜春縣志

卷二

三

鸚鵡洲鳳凰臺之題之文而一再擬之也哉至郡多姓袁者卽高士之苗裔耶余無所考姑闕之是爲記乾隆五十五年歲次 方孝孺高士袁京贊 繁袁之山富春

嚴灘比清嚴袁兩公東漢齊名袁山之麓霞霧交橫別有天地寵辱弗驚何年建置州曰袁城通袁之人羣仰先生總袁之族萬派分明嗚呼子 葉涵雲袁高士咏

陵獨鶴飛鳴不有先生幽谷誰賡 璞完天真俎豆崇畏壘城郭與山川皆從公之氏嚴州與嚴灘得名亦如此漢室兩偉人千古更無比子陵義誠高學竟有所倚天子爲故人高臥不肯起客星犯帝

座光武成其美匹夫百世師劈空 樓臺起矯矯留孤踪先生尤賢矣 忠烈祠 在城東一里祀宋少保武穆王岳飛及其將王貴

萬歷四十五年同知李瀚修邑人朱志記久圯崇正庚辰邑人袁業泗重建以左武大夫張憲及王子岳雲後軍義勇施全配 置香火田五畝

狀元祠 在縣學內祀唐盧肇易重

三賢祠 在府治左孚通巷內明洪武間推官陳谷表以祀

龍安廟 有二三在城西麟橋一在城北鄉興西

關馬廟 在東宜陽門外湛郎橋祀關帝白馬二神後建百

建有徐田港青石街香火田十餘畝廟後土二畝

古大廟 有二一在西萍實門外五十步祀關帝仰山二

壯麗咸豐六年毀于賊同治九年募修一在集雲鄉南

始為合祀極著靈異廟旁有古井逢大旱官府嘗禱于

其地須先着差諭請該地婦女哭井居日官往婦女盡

白巾孝服哭禱井旁取水潔巾淨拭妃姊面旋以桶盛

水徧灑郊外雨可立待其廟中蝙蝠數百成羣有大如

盤者俱集殿後亦異徵也

宜春縣志

卷二

建置 壇廟

三

白馬廟 有五一在北門上喻關一在西門外黃顯亭三

許真君斬蛟有功因廟以祀之 白馬太子廟 在城東蓋

麻衣廟 有三一在獲富市一在中村一

楊孝子廟 在城西北七十五里橫塘石洲埭

知縣郭人傑額 闕城君廟 在城東

雷祖廟 有二一在修仁鄉坪

楊泗廟 有五一在城南瓦江

潭側嘉慶間澤溪職員

土主廟 有二一在西門外泉井頭溢洲咸豐六年賊毀

傑捐地眾建道光間祀其子文煜文燕等倡捐修復

包公廟 一在化北鄉洪塘一在

東嶽廟 在集雲鄉新坊一

老君廟 在信義鄉石壁

天仙廟 在善和鄉井塘

九龍廟 在信義鄉台洲上

太子廟 在西門外官圳

烏鴉廟 在化南鄉瓦江

蠻雷廟 在薦外鄉西村

九仙廟 在集雲鄉路口

儼神廟 在薦裏鄉大壩

華光廟 在薦裏鄉片五

大神廟 在詔仁鄉厚田

牛王廟 在上喻關二里許

古八廟 在彬江市

總管廟 在彬江河側

東華廟 在薦外鄉小江

戴公祠 在薦外鄉官道前

騎龍祠 在薦外鄉上石背

叢勝祠 在薦外鄉棠下

宜春縣志 卷二

義勇祠 在薦外鄉西村河北

崇勝祠 在化南鄉南山口

顯勝祠 在城西羊牙橋

廣福祠 在薦外竹亭

崇興祠 在薦外村下街背

張仙殿 在薦外村下街

瘡王祠 在城北二十里雷橋順治末里人建祀

大雄殿 在薦外嶮塘

三皇宮 舊在宜春臺畔元至正中建祀伏羲神農黃帝附祀藥王孫真人厥後修廢無考國朝康熙五十六年邑人劉廷貞楊梅臣易孟占等捐貲購買地基徙建協府關帝廟右乾隆三十七年潘元盛易為學等募修嘉慶十五年宋定英等復募修擴其規模中為正殿夾兩房後為燕廳兩廂左右翼以廂前為牌坊坊前圍以花欄牆為工兩載餘至十八年四月始竣

附黃邦達三皇宮記 天地一元氣所萃也三皇時民風醇古一人登上壽有政治道術以培

宜春縣志

卷二

養元氣後世醫國醫人者皆準之袁城三皇宮創於元至正中在宜春臺畔蓋生民之始羣神之祖政治之源而道術之本也報本反始視他祀尤切歲久頽廢因徙協府關帝廟之右數十步既而殿宇摧朽基址侵削多弗及間謂僅屬醫術所祖斯忘其本矣夫雨暘燠寒調和宣洩使無壅閉湫底者人身之元氣也禮樂政刑與利除害使無偏頗決裂者國家之元氣也昔伏羲神農黃帝氏作相天地之氣將以觀變而救民之疾為之書契以醫其愚為之耕稼以醫其饑為之宮室衣服以醫其暑露為之鍼砭藥石以醫其愆診故審氣運察聲色技有九折之精歲有十全之效此良醫也至若理陰陽平賞罰國無水旱之災民無天札之咎此良相也昔人所以不為良相必為良醫者謂皆有補於天地之元氣也然能保合元氣如三皇時之敦龐純固躋民仁壽有功於民甚普均宜享祀誰謂是祀僅為醫家設哉况袁居江右上游山川完固風氣和暖無蠻烟瘴雨之苦無颶風漫水之傷無闐闐拉雜之污無冰雪嚴凝之患疫癘不生蕩淫不作眾人熙熙如登春臺觀斯宮者穆然思三皇之時如春古神聖晰瞭袁郡與物皆春其培養元氣以為醫國醫人之本功德又安可忘哉因即倡修

建置 壇廟

捐助信士及僦工始末詳著於後以誌不朽云

宜春侯祠

在宜春臺下侯名成長沙定王發子立宜春臺宋咸平間建廟祀之後宜民趙敏中重建久毀

今惟府治東有王子廟尚存

李衛公祠

在城西北五里化成巖之側唐李德裕為袁長史時寓是巖宋紹興十九年州判汪應辰始為

立祠慶元間郡守李說重修明嘉靖二十八年知府季德甫復建祠於故址萬曆乙卯知縣錢文薦請春秋祭

祀如禮知府黃鳴喬有祭文

附楊應瑤化成巖復修衛公祠碑

袁郡城北上流數里有化成巖人豔稱之

井徒以山水勝蓋名賢過化地也其林壑之美梯逕幽深烟霞澄徹秀山環帶望羣山如列屏此其所以稱勝也寺倚巖之半屋宇無多石狀瑰偉相傳唐李衛公諱長史時曾讀書于此余偶攜酒肴與客指其地而登焉時峯曉江晴天風乍息見夫嵐光之遠近帆影之參差竹樹蒼如餘花滿路穆然有感於衛公之在袁遺蹟尚

未湮也客揖而言其軼事曰盧肇字子發郡人也為公禮重後公復相武宗肇遂魁天下袁之文章節義自肇始公實成之今公祠灌莽中木主已漫滅余深歎士夫不悅學而俗之因循如是也遂低徊於心不能暫釋久之與郡僚屬議創閣以祀公基固材良面視周正山色照於檐端江聲流於檻外因其堂室與亭加以藻飾而雲烟昏旦禽蟲卉木依然昔日之勝矣余乃舉酒以屬客曰嗟乎善生人之心好善人之心之同也故德化之在天壤歲月不能湮滄桑不能改公之政事文章昭諸史册者固歷世如見即足蹟所經一邱一壑因而增重則公之作新僻壞振拔士類其過化存神成就斯郡者豈淺鮮哉宜善之深入人心以化成名巖而終不可護也今祠宇既新後之登堂而謁公者知善化之得民如此為政亦有所祈嚮矣郡人士確石請志為書顯末其工費匠作名氏鑄於碑陰使來遊者有考焉乾隆二十六年仲秋月

盧狀元祠

在城東盧洲明萬曆戊午知府黃鳴喬於三元殿後建閣崇祀唐狀元盧肇提學黃汝亨額曰文標閣春秋致祭國朝乾隆七年敕諭周宏勳以祭祀往還不便移主縣學閣後圯二十一年僧文鑑募建

宜春縣志

卷二

建置 壇廟

三

洲屋二十四年知府陳廷枚同知楊應瑞飭知縣郭人傑重立文標閣迎還肇主崇祀如故復題二額曰秀水

文瀾江山文藻道光丙戌洪水衝發

北極行宮祠

在宜春臺南下舊為棲隱寺後沒於宦族萬曆辛卯融風煽焰有司乃從民禱於元帝之神胥用以甯父老請於郡守吳公相率捐金買復刹基建宮以祀推官徐之孟記乾隆二十三年知府陳廷枚重修咸豐六年髮逆拆廢

附徐之孟記

城之中有春臺其南下舊為棲隱古刹形風作袁人相驚譏復之不克無何災焰遂熾有司禳於回祿祈於四鄰俱罔效乃從民禱於元帝之神果心星遠徙胥用以安蓋帝位北有相制之義也嗣是家祀戶祝諸事必禱萬曆戊子靈害苗及疫明年旱輒禱輒應不啻響之隨聲父老相率治舟裹餉汎彭蠡洞庭直躋大和之巔謁帝燕檀頂禮若面生神然旋即各捐金二十兩賀復刹基建宮狀白吳郡公公始不許曰我高皇帝定鼎英廟北狩仗神威力底平後勅賜金殿宮觀以

重臣主之聿有專祀俟與斯舉例有禁父老垂涕叩首
備陳感應之蹟公方俞口有是功烈于民者聽祀之時
郡倅楊公司理顧公首頒俸以助迺卜吉鳩工剪蕪掄
材無論遐邇輸財効力蟻聚麀集趨赴恐後至傅郡公
尹邑侯亦先後協贊額以北極行宮謂其止輦散蹕於
斯也鑄金爲像數昭靈異宮之中祀帝後閣祀玉皇諸
神閣之下則觀音東伽藍西地藏用存古刹意其規制
一準武當而煥然改觀自辛卯年冬月歷戊午年春甫
成猗歟此都一望祀也余補李官來袁郡卽耳神應得
楚報諸首事者叩余識巖末因知茲宮之創民藉禦災
同予所以建珠泉亭意也且嘗讀神所垂訓靡非欲人
人遷善與聖諭相發明其陰翊王化居多遂忻爲之言
曰神自淨樂越東海擇福地葆真鍊神功畢冲舉攝元
武之位鎮北司水夫天下惟水爲至德故大不可極深
不可測息耗減益通於不訾包羣生而無好憎澤蛟螭
而不求報摩濫振蕩與天地鴻洞蟠委錯紛與方物始
終惟是至德所以兩在無方應感不爽汝民歲時伏臘
謁神之宮對神之容則當佩神之訓惕然猛省求無內
疚則一善所格神必降左右承綏於此福履當不替
矣不然縱飛閣流丹盤紆刻儼恐不歆也願吾民昂之

宜春縣志

卷二

庶幾無負於建宮之盛云
昔萬曆戊戌仲秋之吉

建置 壇廟

三

按嘉定志祠廟有南嶽行祠在仰山孚惠行宮之側祠
右昭烈行祠在報恩光孝寺之東廡南天王祠在郡城
南隅勝果塔院之右又號天王臺南唐保大六年郡守
頓金創院卽西偏爽塏處爲臺上立南方毗瑠璃天王
祠堂以鎮火災郡士商觀記本朝治平元祐間相繼修
葺前有紫翠軒可登眺李樞密諮祠在仰山正廟李尊
師廟在郡城東三十里石浮洞口師不詳名字世代隱
於洞壘中虞早師必先告以雨期旣沒民塑像洞口祠
之水旱祈禱靈應如響梁昭明太子祠在城隍廟左廡

大觀中立東嶽廟在城中一里地名田南五通廟在南門城內又有古廟甚小靈泉廟在郡治北薄城西向前有井亭紹興以來州郡嘗祈禱焉袁相公廟在郡圃西北三十步隔牆封壠巋然古木蟠屈按圖經爲袁超廟超郡人未詳何代俗傳爲唐袁天罡宋紹興二年郡守莫若晦修龍王廟在北門外平政橋之東北鍾令公廟在北城外化成巖之東耆老相傳廟卽令公舊宅燕州神廟在州西北六十里神居燕州山之下燕姓僥其字壽數百歲旣久鄉人祠之不詳何代人郡人李觀爲記明以後府縣志俱未載今補附於此

前志

建置 壇廟

公署

上諭亭在府治東南熙春坊雍正九年知府薄履青建乾隆四十四年知府陳子恭重修咸豐五年髮逆毀壞同治七年知府駱敏修諭四邑紳民捐貲重建自為記

附駱敏修記

設壇廟而萬壽聖節大小臣僚祝釐

及歲時慶賀與夫恭迎聖諭十六條皆必有拜跪效趨踰之地以昭誠敬而肅觀瞻禮也敏修之移守袁州也時則同治七年金陵逋寇殫閩粵之遺孽盡殲東南奠定民始獲甦而未下車望其田里室廬有毀者未盡修抵其城視礮火斑駁痕尚存各官廨學舍壇廟猶有存者而所謂祝釐及慶賀諸拜跪地無有焉詢往事則上諭亭舊基故廓然大焦土也私念欲興復而深懼吾民之不從若承平既久初造萬象鼎新率其民而用之不敢不從若承平既久更推席而干戈縱獲削平閭里因供億喘息稍舒創鉅

宜春縣志

卷二

建置 公署

者痛深雖迫之莫起誰與效子來雖然亦願其民何如竊朝廷所以養其民何如耳今袁之官廨學舍壇廟新修者固皆民力知袁民可動以義豈其踐土食毛而不思以誠敬將吾君不願其長吏之以誠敬將吾君且自來安有厚養其民恩澤淪浹如本朝者乎爰進所屬各大小尹謀釀金以集事事果集申之上臺報可經始於七年八月落成於今六月凡葺正殿五間承以重簷左右朝房間亦各五二門頭門以間計者各三官廳門房凡以為朝賀時更衣所者左右均亦各三亭二則迎詔書並宜讀聖諭地前有歌臺以演劇亦祝釐所不廢也東西翼以安門長垣繚之計若干丈尺高釐所不廢也東西翼以安門長垣繚之計若干丈尺高壯深廣悉仍舊規凡縻緡錢七千七百有奇而所斂有贏餘以補葺府治之大堂譙樓昌黎書院左右魁星閣月亭廢者新之缺者補之蓋計錢逾萬符贏數固各大尹之勸導有方哉而我朝厚澤在人袁之民知大義雖甫離鼎鑊攫鉅創不待迫自殷於踐土食毛之報效子來而不以為不任俾有地以致其長吏之誠敬即不以自致其誠敬媚茲一人轉若較締造初之不敢不從忱更擊此樂與吾民觀成者所宜書以予之也時承修則宜春縣知縣林祖壽分宜縣知縣邵春齡萍鄉

縣知縣李人鏡錫榮萬載縣知縣江璧王麟昌監修則
經歷章甫督工則四邑紳士奔走偕來胥著勞勩其姓
名備列
於碑陰

府署在城西北隅南唐保大二年刺史劉仁贍建州廨總

六百餘間有記

附郡廳壁記名。南唐保大二年春二月廉使彭城公

也載筆之士得以總敘興復叛亂始龍蛇之起陸旋戎

馬以為墟羣雄角立諸化風行列郡之俗猶尚草創爰

屬大統士德中興漢繼劉宗寶祚重尊於光武夏思禹

力鴻圖復霸於少康我烈祖光文肅孝武皇帝反正宗

眺光宅寰宇雲龍自契風虎相符乃命我公解印黃崗

賦緇衣之什賈太守兄弟理洛爰刊棠棣之詩方枝幹

以猶疎比源流而未濬夏日冬日莫之與並一酪一酥

俱弗如也初客省司徒清河公監臨是郡乃究尊往制

奏復舊基召良工而方切運斤奉急徵而遽回丹闕公

建置公署

二

二

二

二

二

二

宜春縣志

卷二

二

纔臨理所歷覽區中公署頗極敬表巷陌仍多燥溼翌
日與通判員外中山郎公議歲事矧輿情攸願帝命曰
俞乃蠲帑裕廩以市榷楠剡陶冶以備餽贄物無苛費人
不告勞日居月諸厥工克就所建立郡齋使宅堂宇軒
廊東序西廳州司使院講武廳毬場上供庫甲仗庫鼓
角樓宜春館衙堂職掌三院諸司總六百餘間仍添築
羅城開闢濠塹所役將士皆均其勞逸賑其饑寒氣等
指揖言如挾纊同孫仲謀之砌壘咸矜鐵囊之堅異皇
國父之築臺取謗澤門之哲終乃圖施丹牒表進斯庭
飛章陳戮力之功丹鳳降紫泥之詔褒崇迥異賞賜有
差先是茲郡鬻竹木紫炭者有衫門之稅公乃復南顧
之免於是豐財足用土庶易其居第二載之內關闔楮
比公儉於身而富於人孝理家而忠奉國心惟惻隱德
契清甯昔漢宣帝有言曰與我共理者其惟良二千石
乎卽我唐得斯人也暨先皇晏駕聖上御圖慶賜遂行
無有不當勅升袁州都團練觀察處置等使賜貞威將
軍食邑二百戶褒政績也郎之大廳舊有壁記以紀方
伯際在授代自干戈倣擾歲月微失其本未唯存姓氏
乃命筆吏敘而補焉故使刊勒
復紀于壁某年五月一日記

後呂延真再加修治宋景德間知州事楊侃增修自為記

附楊侃新修小廳記 郡之有小廳所以便於臨事也長

下民望之堂上千里雖訴冤而來必抱恨而出矣其或

公門大開民見無阻庭宇之制不壯等威階無尺高坐

與軒近上下之言接左右之壑開臨問其是非就辨其

情偽則何細而不察何隱而不知乎袁之於江南中郡

也地接湖湘俗雜吳楚壤沃而利厚人繁而訟多自皇

宋削吏權而責治術天下之郡吉稱難治而袁實次之

何者編戶之內學訟成風鄉校之中校律為業故其巧

偽彌甚錐刀必爭引條指例而自陳許私發隱以相報

至有訟一起而百夫繫獄辭兩疑而連歲不決皆謂弊

在民知法也抑法者民之銜勒嘗聞上執之可以御不

下持之可以犯上也是故子產鑄之於鼎鄭國不聞不

治商君令之於市秦人不聞不畏且民者冥也以冥

然無知所以難治也今袁之民既皆知法是治也非難

治也其由在上者自察其法故民得以紛紜於下也嗚

呼政不廉法不平雖非良民口不可塞也既廉且平袁

民其如予何侃臨郡邑十有八年矣去年秋百筭移治

宜春縣志

卷二

三

是郡察弊問俗不俟下車亦未嘗敢變十八年之所行也既而獄訟清郡事簡比前所治不見其異則知有不治吏無難治民溥天之下莫非王土安有袁乎吉乎易治郡乎郡庭之西有復廳焉巨梁中折別柱四扶漏若疎網簷溜斷飛燕來不巢人過恐壓郡更數守空而不居今歲田農之家百穀大稔營壘之士復多休息乃命凡民有州縣之役於版圖者均出其財以助興葺命工庀徒咸出卒伍無勞民也營繕既畢規模咸新不志以文來者何觀時歲在敦泮月次應鍾日記

建炎三年知州事汪希旦重建戟門純熙四年知州事張

杓重建譙樓創頒春宣詔二亭辟便齋於廳事之旁張

栻題額曰隱齋為之記并重修兩獄陳琦記

附張栻隱齋記 予弟杓為袁州再閱月以書來曰杓幸

乃辟便齋於廳事之旁日與同僚講民之疾苦相與究復之暇則講詩讀書於其間以自培溉敢請名予嘉其

意為大書隱齋字以寄蓋取孟子惻隱之心之義夫所謂惻隱之心者惻然有隱云耳嗟乎是心乃子民之本也一日夕之間事物之接乎吾前與乎講論之所及思慮之所萌所謂惻然而隱者如源泉之達續而不窮新而有常流行而不可以己則其履度也豈有越思而其施於四境之內者雖不中不遠矣子其體是心而存之而充之勿使有害之者而已語曰君子學道則愛人所貴乎學者以能愛人也為政者苟惟不知是心之存則本既立矣雖有過絕人之才智亦何以觀之哉抑又有說焉人之情於其始也惴惴然懼其不免也汲汲然憂其不及也察民之從違而未敢安也則是心之不存焉者寡矣及其久也於意之得而偏於譽之間而矜於令之行而忽則所謂隱然者將汨於因循而息於驕肆政之所繇隙也嗟乎可不懼哉可不察哉又其可使箴微之言不聞於吾耳哉併書之使刻置於壁清熙四年三月戊午記

附朱熹寄題宜春使君張君定叟隱齋詩 大專繫萬生異體實同氣

云胡分彼此直以私自蔽若家桂林伯德學妙一世閉門不忘憂簪纓矧行義存言介弟賢四益謹先界千里

宜春縣志

卷二

建置 公署

四

各分符一心同盡瘁遠題齋戶册來表棲息地系述寫心胸俯仰資惕厲陽嘉既滌盪陰慝永封閉介然彼病養赫若我黥剔拊摩極哀恫征取敢無藝戰兢一日力洋溢四封被君看物我間隱顯豈殊致願及振民功更懋根

本計

附陳琦重修兩獄記 張侯守袁州之數月政孚惠洽闔

病告侯即命醫診療往觀狴狴則屋朽欲壓外壁虧疏旁溝壅閉淫雨無節病故交作退謂僚佐曰愚民抵冒至此罪重法當繫又爰書訊鞫論報法不當泄獄所由立也有如敗腐湫底弗圖使病者得不當死之死非過與乃節浮費得錢百五十萬有奇度木於山募工於民周以垣牆培厚基址撤舊屋而增新之堅而明寬而密飲食洗濯之器左右具足為外牢二一待病者懼戾氣之染一待寄囚防漏言之失思慮周備可為後世法經始於五月之初告成於八月之中於是邦人相與言此邦適太守數更易百事廢弛侯之來視吏姦恤民隱有士木之餘力不以他及而先斯獄請有以記之琦聞君子之政有本末古之知法者能省刑本也今之知法者

不失有罪未也法不失罪顧以為未於獄何有雖然利
欲熏心與外交馳相戕相搏愚民何知有法縲縲之下
困苦瘁抑客氣剝落天理漸復往悔前之為是獄也
亦教化之助未可以未故忽也如其已弊弗顧諉曰不
忍以是待吾民毋甯使完備而恥格之民不至嘗考月
命有繕圖固之文而漢詔以囚不瘦死者為吏殿最重
人命也侯之用心可不謂仁矣乎為吾告袁之人畏法
守義其自今使亡一人之獄則為報侯之德也已侯名
杓字定叟清熙丁酉九月望日記

嘉定十二年知州事滕強恕再新之元至大間總管府忽

都魯脫因重建杜可記

附杜可袁州路修建記 都會裂侯衛廢錯置郡邑羸行
善漢仍之代遂莫渝土貢田賦民數訟牒一隸取給而
字理之凡郡即古侯國也袁名因山山曩居漢袁隱君
名繇生領邑四較萍鄉戶尤繁元貞制州之概傳版民
二十萬是郡於江西為上舊治崇級而廳聯屬廳面南
建置 公署

宜春縣志

卷二

五

對峙吏舍中為重門又前為戟門門薄大衢左右跨之
而岌岌樵用出入民廳陰不百武別闡堂堂復構齋
西園堵而圃植芳卉嘉木間樹奇石竇李渠注池榭其
上還分池之餘瀉引灑灑走西北貫漱玉亭赴曲水環
池曰清心曰風白曰景韓歲寒不受暑皆堂也惟清心
風自表裏相麗樓其巔同於堂飛複閣以通往還山若
袁若仰若蟠龍白鶴偃蹇起伏無日不獻狀歲寒之雲
山則二樓附庸規制宏且備矣憶昔之經始與增建廣
築遠久而傲傲而葺葺不一葺晷成績而知前修勤勞
不竊貴饗富怠偷苟秩滿去郡欵附逾世擁牙坐府守
幾更迭曾興懷苴漏者乎至大初元侯長忽都魯脫因
總管朶兒直偕僚屬如前之始營增廣屢葺者雖庖傳
靡一不撤而作新舊或狹卑有舒有隆倍光其初東益
賓幕二十六楹閣庫牘廊四十八楹右背歲寒新崇節
堂永廊峻嶺殊行異閣侯部使者按治歲至所也懷麗
礎堅赤白炳明昉稱大府雄甲江西諸路能是奚資而
然蓋議始總管公侯長謂茲予心乘時豐穰割祿導先
佐貳順成巨室有禮勸相奔走斬木陶埴一鼓作氣四
闔月遂工偉哉斯役也推類從事何之弗成十金之家
一畝之室晝茅宵索迨天未陰矧大府民具

惡乎可第有賢侯之為而飲愧者宜著祇力事職不懈
之實為方來勗時同知舍刺甫沙治中暗都刺哈蠻判
官馬合麻沙推官孟誠經歷李貞知專成翼照磨按牘
萬國良董役分宜縣主簿慕嗣宗府椽袁賢張顯忠并
士民之樂施名附碑陰至大己酉季夏正議大夫袁州
路總管府達魯花赤兼管大勸農事忽都魯脫因少中
大夫袁州路總管兼管內勸農
事兼管造茶勾當朶兒直立

至順壬申路總管錦州不花略加繕修歐陽元記

附歐陽元袁州路繕修記
宜春為郡介江湖間山水清
能瀆為厥長吏因俗易使導以身教利建事功至順二
年冬十二月通議大夫錦侯不花擢由容臺來刺名郡
私未黔突畢飭在公乃聯府治東柱西楹視厥門廡上
游息之圃觴詠之亭府史胥徒庖廩廝舊有位置今
穢不治或傾欲墮或危欲壓維時錦侯乃諏寮案乃咨
賓屬宿戒父老斯徵富民進而爵之侯乃言曰治官猶
家家之隆替觀所恆居垣墉虧廡庶陞夷削凡百廢墜
建置公著

宜春縣志

卷二

六

推是知之視彼富潤有覺斯極勢固不侔亦所自致矧
今守牧視古侯伯維今富民其道視子其分視臣爾退
而處服御華好側睨長上居懷貼危從我遑卹甯爾獨
安吾嘗觀風考察部屬有司與繕弊有二焉民賦力產
吏容奸欺官督期程工倍濫惡苟完未幾馴致朽撓粵
有文吏拘牽故事常在得已輒持兩端媮容目前遺患
厥後迄夫淪胥茲以病眾斯二弊者吾實恥之今及汝
約恆產高下推次惟汝工稍多寡陳力惟汝官不督迫
吏不徵呼汝某治甲汝某治乙我惟示成有不樂者疇
抑汝配於是父老曰便富民曰宜言訖飲酒罷而與期
及期子來並手角能植者用壯承者用隆寡者無竊憐
者無墟械者砥平磨而璧之丹者黜者藻者繪者無或
漫漶先後工訖完美如一突窳從衡楹數百計悉前所
陳煥若新作侯乃於日共具牢醴合樂落之又進父老
及諸富民爵如初儀為之言曰維此宜春郡治突奕山
川發靈神降純嘏賜雨時若有年穰穰民富以教士秀
而文吾幸處此與汝同休去即轉舍凡厥洵美汝世享
之守何與茲父老富民咸下其手舍辭報公且矢於福
願賜蕃祉與治俱新天子萬壽百度斯甄公敏且潔宜
為蓋臣君匪奉已示我等倫我民於變不戒以信受命

於上服勞其親筮占在茲施我子孫無遺公憂以愧我
民參軍揚揚奉圖走書來求予核其事辭以釋之且來
告者嗣而續之有廢不理眾手撤之為從子游為我石
之是役初作郡牧之長伯顏帖穆相與欽之用迄於成
是皆宜書尉章元輔實董其事吏宋必達又宣力焉侯
至之明年壬申九月傷工又明年癸酉七月竣事能以
是年之八月土水金石埏埴壘斷工費
若干既集眾力不會於公無從稽云

明永樂正統間知府朱瓚姚文繼修宏治間知府王俊建

後堂川堂正德壬申知府姚汀新正堂及六房隆慶間

知府鄭信典重修萬曆間知府汪得時折布政分司所

建屏牆崇正壬午火僅一亭視事 國朝康熙三年知

府李芳春重建自為記額正堂曰端本堂熊文舉記

附熊文舉新建府堂記

蓋不佞文舉猶記戊辰從師西蜀會道袁州歷覽江山諸勝停建置公署

宜春縣志

卷二

車帳然者久之考圖記地接湖湘是為江右輿區而俗
尚古醇土風悠穆山川毓孕良不偶然及兵燹之後城
闕摧頽人文凋耗烽火蜩蟪羽檄旁午怛怛惴惴不有
甯也頓皇朝聲靈赫濯取次蕩汎芟彝山高水深
漠然漸有太平之慶乃太守李公下車蒿目地方之阡
危公署之榛礫深念之矣謂政治不昭民罔綏靖堂皇
不肅民罔瞻依因出廉俸首倡屬吏踴和庶民子來不
數月而府堂告成殖殖其庭有覺其楹觀者趨者豁然
鼓舞耳目一新即不佞聞之遙憐輝額手稱慶屬年
友袁勝之進士致地方紳士之意俾記其事子屏居蓼
渚未獲登公之堂亟見君子然遙憶當日所歷之山水
所遊之人物而竊有感也夫山水無異以人而與廢俗
尚何殊因時而不變天下事無不起於因循苟且一念
苟且因循則生民之痼痼等於膿膜事機之叢脞輒誘
後人口往月來悠悠曷極即新朝定鼎以來袁之
官太守者屢易矣未聞有毅然新其堂構以臨民而出
治者而公獨煌煌始不委諸物力之艱難不需諸後
人之締造蓋由其夙夜匪懈無刻不在吏治民生以清
肅示風規以寬和為愛養吏治清而後精神暢悅民力
暇而後興作無勞此堂建吾知袁民之遊其守下者無

幽隱而不可達無疾痛而不可呼蓋熙熙然長在光天化日之中以耕耨之餘修其詩書禮樂異時人物之昌隆以用之殷阜日可矣也不佞兩佐統鈞每與諸司言方今朝廷子惠元元為萬物吐氣惟郡守為最要蓋督撫監司去民遠尊而不親縣令去民近親而不尊惟郡守仰承德意下飭有司且尊且親使今之為郡守者盡如李公精明樂易百廢具興事取安詳功垂遠大道化之行其有望乎稽昔唐韓昌黎宋張廣漢皆守袁郡昌黎之文章風節炳蔚廣漢之道德理學淵源李公將與參立而並美踵事而增華矧重茸郡城鼎建書院釐正萬色賦役崇新郡邑巋宮上為朝廷下撫士庶實心實政俱卓然可垂不朽尤其大章明較著者也不佞謏陋無交因袁君之遠致招撫以應冀公旌旗賁章門待撰杖履而請事當有進於此者茲固其嚆矢云是役也郡司馬孫公席慶司理鄭公熈共襄厥美例得並書

附李芳春重建郡治記 按舊志重建郡治在宋醇熙戊戌實為郡守廣漢張公構任其事公為丞相魏忠獻公仲子江陵連帥先儒南軒先生母弟於時甫莠月修學增障百廢具舉而郡治隨之鼎

宜春縣志 卷二

新云歷宋元至有明因循補苴迄壬午府堂災蒞茲土首率草草一亭時事罔稱臨民規模余以今皇癸卯

左淵耗巷無居人而聚垣環疆者春春未艾方坦然

於衷因謀之寅屬延訪紳士父老周咨疾苦撫循凋瘵

興學課士增障濬濠次第粗舉尤以郡城空虛多方鼓

舞自癸卯迄甲辰中間往來亦闌暮年未敢謂政通人

和而袁郡士民似頗相倚仗時蓋飛鴻漸集百堵可作

余躬行勸勞環視四城得新居若干楹烟火相望余顧

而樂之乃庀材鳩工為鼎建郡治公堂詩自始事之日

至今告成無刻不以勞民傷財為凜凜幸同官勳勤吾

民子來屬役奔走得竣厥功而其間經度營表盜匠程

材之苦心既恐妨吾民又恐弛吾事念之茫茫百端交

集者不知幾一日九迴矣今輪奐一新棟宇翼然紳士

父老亦樂予之工成而役竣也羔羊朋酒小大稽首暨

同事諸公咸謂不可以無記余以三韓鄙劣敬謝不文

特為指其糾工始末同事姓名庶幾竊附於廣漢張公

之未以告方來後之蒞斯堂者謹思創始之艱相與嘆

咻吾民以無負斯役也則予日望之工始於康熙三年

十月成於四年三月計大堂一所三十楹前堂一所

十楹經歷司照磨所各堂一所各十八楹時同事者為郡丞孫公名席慶前任孫公名有恆司理鄭公名燁屬邑宜春知縣董義行分宜知縣朱集萍鄉知縣臺瞻斗萬載知縣范廷鳳各捐助有差督工巡檢魏映奎頗著勞勩例得備書

康熙四十三年知府葛繼孔建桂花亭二所於署內之右

額曰瞻韓雍正三年李英新後廳十二年知府薄履青

重建頭門儀門乾隆三年知府程文華詳帑修吏舍二

十年知府陳廷枚建正廳及昌黎堂又於堂西建廨一

後圃建亭一加飾頭門儀門自為記

附陳廷枚重修府堂記

周禮以八法治官府釋者以百官所居曰府為臨民出政之所未可以傳舍視之故治滿者入其郭公宇修明觀者以爲王善之一唐房琯所歷之地皆汲汲繕治廨舍宋寇

宜春縣志

卷二

九

萊公官道州公宇立成至闡於朝然則衙署之設所以肅威儀崇體貌固不可以苟安爲重民力惜財用也袁州在漢曰宜春三國屬吳安成郡唐以後始更今名守茲土者昌黎而後則有祖徐鄭沈諸公爲最著而前明朱守仁撫字尤有方若府治建置之功則宋清熙間廣漢張公杓爲之之力居多前明壬午大災後太守僅以草亭視事迨國朝康熙三年李公芳春來守是郡經畫重建於茲又將百歲歷年既久漸就頽圯前官雖屢請重修皆以經費不足而止邇來傾危日盛風雨莫蔽勢將露處坐廳事者時凜壓覆之懼因陋就簡其何以堪予自乙亥仲夏由嶺南量移茲土下車之日即欲從而鼎新因工費繁重未能驟舉而經營相度維繫於懷爰詳請重修獲蒙大憲俞允通計工料需銀八百有奇議以府縣先行墊用俟書院祖賦所入贏餘按年扣補循例委官親撫製度悉仍其舊惟二堂西偏添設一廨以爲辦公之所內衙後圃另建一亭顏曰靜觀而大底定之時尚孜孜與舉廢墜以奠安其廨舍矧際重熙累洽江山清晏官有餘閒民無怨咨則奔走力役宜乎各識子來之義不數月而甯我居處也有如是從

此宣猷布令風雨除而鳥鼠去更冀吾民其安
以乾餼雀角輕涉訟庭則大守俯仰斯堂得以賦咏
水涵養民物慶安宅而歌樂士豈不休哉所有承修
督工官吏匠役例得附名勒石以表勤勞以誌不朽

嘉慶間知府王朝颺重建後堂二十二年知府降泰重修

頭門儀門轅門咸豐六年經髮逆毀壞八年知府福綿

檄四邑捐修內署同治七年知府駱敏修修葺正堂

附皇祐元年韓綜郡廳壁題名記

按輿地志宜春郡在禹貢揚州之域春秋

屬吳楚之國秦為九江郡亦曰南楚漢初啟國大封子弟江漢之陽巨九疑為長沙孝武以疆土過制詔御史諸侯王欲分子成於宜春原建國之舊析於長沙厥後王發得侯其子成於宜春原建國之舊析於長沙厥後侯削入於郡縣訖漢領其地於豫章吳始立安成郡晉改宜陽隋開皇中肇置袁州歷唐不革斥備遠服用人亦輕五代叔擾偽邦竊據開寶中王師平秣陵負固之地圖版歸於有司逮今歷七十載民安厥業休我樂土建置公署

宜春縣志

卷二

尸是任者頗習唐故予以坐累得補茲郡暇日閱公寢北壁隋唐刺史題名暨偽命守土者姓氏蓋武帥擅兵崇大位者俾表奏史據舊纂為此記起開皇十一年刺史袁伯通而下刻石者凡百有七人及觀修夫子廟記乃刺史蕭定大歷三年所作視壁間漏缺名氏惜其刊去舊記謬略析亂莫可攷正而又開寶以來領是郡者輒識名於偽命者之次豈春秋記事尊王之法乎今記自朝廷置守之臣繇殿中丞王幹而下得三十有二人表其位氏題於樂石揭寘東序將以監居任者政治而韋絃之且以附於史官地理志皇祐元年八月廿五日記附嘉靖四十四年申時行府題名記
周官施法於官府必建其正設其貳其職業相參而輕重相得為法甚善郡之有守有佐亦如之夫太守大吏也天子側席而求剖符而命擇能而使大者據十數城小者不下數萬戶一境之內齒類林立寺得而存亡休戚之撝吏鱗比守得而臧否廢置之闢郡之喜懼繫其解顏蹙額之間而大小屬邑之吏無問賢不賢在其臂運指使之際其位亦高而勢亦重矣俸高而無輔則孤勢重而不分則專故復有材賢者受命於天子而為之佐而守之於佐或心誠相知道誠相和

有謀議則就諮有煩劇則聽理然後佐之於守亦將志
得意附畢智盡力以據發其材之所能為而輔其守之
所不逮於是郡中之治益起而守之譽益尊此交修協
贊之道也今之為守者挾尊官據重勢以為一郡之政
事惟吾操縱弛張可以恣睢而無忌視其佐蔑如也而
為佐者亦外受掩抑而內自關疏其禮節不能相下心
志不能相等則必相視漠然如秦越是直守陵其佐佐
易其守以蠹政敗官已耳嗚呼此豈國家設官置吏之
意哉袁州江右一大郡也當湖湘之孔道雜吳楚之儼
風其民固號難治而會天子明聖銓司慎守法郡之守
佐皆精擇而器使之一時良吏於斯為盛由是郡守李
君寅實同知楊君自治通判胡君夢桂推官郭君諫臣
先後戾止於袁既協力同心展采錯事復慨然曰袁自
明興以來吏於斯者踵接矣而名氏不傳藝文不列豈
非郡志之闕哉乃相與立石題名而郭君致李君之命
屬予為記予以為郡縣之吏誠循良慈厚長者有大造
於民其在位則歌之去則思之沒則祠之名垂無窮逾
于金石其他暴戾殃民貪墨敗官者此其身不獲譴則
幸矣奚名之足傳耶然在諸君有深意焉今天子簡任
俊良綜核名實儻工者膺不次之賞庸違者蒙不測之

宜春縣志

卷二

建置 公署

十一

誅有司羣吏奔走率職而諸君曰惕惕焉奉法尤謹若
曰某守賢某良佐吾輩之師也不且失職某守而不賢
某佐而不良吾輩之監也不且獲辜俛仰左右克永觀
省期在對揚休命以業厥官其亦銘戶牖佩韋弦之意
歟且諸君固東西南北之產也幸生同時仕同案乃復
政同舉志同趣不忘前事之鑒以垂後世之則其慮後
人也深矣其有利於袁也大矣繼是吏茲土者尙論諸
君之際能無惕然而深思趨然而慕倣者乎是禱其可
以傳已茲刻也知府白朱守仁劉伯起而下若干人同
知自孫養浩郭銘而下若干人通判自蔡廷琇林暄而
下若干人推官自陳谷表陳全而下若干人名氏資歷
具載於下若袁之山川風俗詳在郡志中茲不復論著
云郭君予同年進士也

土地祠

在府治頭門內康熙七年知府李芳春建

譙樓在府治東宋嘉定間知府滕強恕建築臺為樓五間

原製銅壺一座并夜天池日天池平壺萬水壺水海影

表定南鍼涿水桶更籌漏箭鐵板鼓角設陰陽生輪值
候籌報時明嘉靖癸卯毀知府徐貞重建萬曆中知府
鄭愔典重修復訪精術料理如初更漏復得分明扁曰
迎曦樓祀袁天罡於其上同知李瀚又鑄天罡原造銅
璇璣於觀天臺自爲記歲久毀 國朝康熙丁未知府
李芳春修建惟舊銅壺不知所在乾隆二十四年知府
陳廷枚重修樓西新額曰餘暉同治七年知府賂敏修
督宜邑重修

同知署在府治左明同知陶之肖修同知侯世屏額其堂
曰求懿堂 國朝康熙四十三年同知梁穆題額曰揖

宜春縣志

卷二

建置 公署

三

春飲翠乾隆十四年同知遲之鉦建亭三總曰南園自
爲記後楊應瑤重修有遊南園記道光三年同知劉體
重修葺咸豐六年髮逆毀

附遲之鉦南園亭記

今之同知古之司馬古制領戎行

年間蒙 聖恩復授是職到任之後隨奉差委至十
五年仲春間始能來袁庭下蕭然聽政之日少間適之
日多或繙閱古書或臨摹法帖或督課弟姪署後空地
數畝董僮僕耘耔播種移植花木於其中是年孟夏間
創亭曰有足十六年舉長子廣濟十八年又舉次子恆
濟名亭之意始此矣十九年又於有足亭西建亭曰滋
須樹德務滋力行遺後二十二年三建鶴瓢亭於滋須
亭之西南隅其始也荒蕪不除今也亭池花竹翻爲趣
地儘堪藉此以消閒日養精神備來日之差耳時也天
晴花放遠峯疊翠兀坐亭端深維九思有益百忍無憂
目醒神凝氣舒意爽第鉦能創於始而不能保其終恐
後之同事取舍各殊此官既屬閒曹何不留意以爲消

遺或曰玩器失志好財失心去之惟恐不速曷不觀
人樓閣亭軒各有賦序詩文傳今不朽耶若然或益以
風雅或加以宏微不時修葺意後亦必有
同心相應者矣時乾隆丁丑季春下澣

經歷司署在府治左崇正壬午燬於火 國朝康熙三年

知府守李芳春重建嘉慶間改建頭門向大街道光二

年重修

府教諭署

在明倫堂右偏
修葺詳學校

府訓導署

在明倫堂左偏
修葺詳學校

裁廢各廨署

布政分司

舊在府
治南

察院行臺

在府治東舊為
廉訪分司署

宜春縣志

卷二

建置 公署

三

湖西道

在府治
譙樓東

貢院

舊在宜
陽門外

司戶參軍廳

舊在府治西偏
宋陳確建并記

老府

即今西
城武廟

公館

舊在報
恩寺後

通判廳

舊在同
知署東

推官廳

舊在城內
西街南

知事廨

舊在府
治西南

檢校廨

舊在府
治東南

司獄司廨

舊在府
治前

稅課司廨 舊在府北城外下

秀江驛廨 舊在縣

醫學 舊在布政

陰陽學 舊在東湖

照磨署 在同知署後道光

永積庫 舊在府正

軍資庫 舊在府

龍亭庫 舊在府正

舊遞運所 在袁山

貴山鐵務 宋雍熙

宜春縣志

宣化樓 舊在府治西元

算學 舊在西城外

僧綱司 舊在袁

道紀司 舊在宜

榜亭 三十

旌善亭 在府頭門外右凡民間孝子順孫義夫

申明亭 在府治東明洪武元年建凡民作奸犯

縣署舊在東城內隋大業三年移於州之東七里宋紹興

三十一年知縣胡安老始徙於城內之善政坊元季

兵燬明洪武三年知縣仲時舉遷於府治北之開元寺

卷二

建置 公署

十四

廢基

前梁丞相袁璞故宅也

即今治嘉靖二十四年知縣凌汝志

重修額內署曰節愛堂正堂西為幕廳廳後為庫房

國朝康熙三十八年知縣張綸捐廉鼎建正堂四十六

年知縣江為龍捐俸重修頭門儀門屏牆較舊制規模

宏敞乾隆六年知縣楊元生請項重修六房五十一年

知縣成元一重修正堂額曰敬事堂嘉慶元年知縣黃

河清復修額曰觀我堂咸豐六年髮逆踞城官廨吏舍

盡毀僅存頭門儀門十年知縣何同文捐廉如舊修復

自為記

東西吏舍皆書史自修

附何同文記

宜袁之首邑也官廨舊在東城內隋大業間移治州東宋紹興間徙城內善政坊至

宜春縣志

卷二

建置公署

五

明洪武三年仲公時舉以舊址狹隘遷於府治北之開

元寺廢基國朝初張公綸鼎江公為龍楊公元生疊

加修擴規模始大備即今治也咸豐乙卯冬粵匪竄袁

至丙辰大兵克復兵燹之後蕩無一存廬井空虛藏廩

凋敝當事者率貧民居視事日未暇有以復之也余以

己未來宰是邦不敢為因陋就簡計乃即舊址鳩工庀

材凡四閱月竣事余惟官之有廨所以臨民出治堂皇

之不修非所以肅瞻觀嚴關防也唐房琯所到之地皆

急繕廨舍宋寇萊公牧道州時立成公守余之治績何

敢上媿二賢而修舉廢墜之為則固不容自諉斯堂成

余甚幸吾民之瘡痍漸復而斯役得以從容集事尤望

吾民共安耕鑿非羔羊朋酒無得輕涉斯堂後之俯仰

土地堂

在縣署東偏馬號并祀馬王神

獄禁

在縣儀門內西偏六間明萬曆初知縣曹瑄重修後

自為記

附侯世屏新闢園土春回寒谷記余攝邑甫三月守者

有起色予因嘆曰維茲勿藥有喜豈天實式臨之哉或

而人疑獄者若而人約計百有餘余又嘆曰凡此交臂

滯陰憤盈而不可解宜其疫也余敢微天既為己力乎

然萃者宜渙窮者宜通惟各有甯宇迺無恙譬之越人

生矣於是相其中隙地廣輪數十丈特捐餐錢創五大

楹鳩工掄材絕不問之民其成獄者居如故疑獄者移

之新構爰得其所若起白骨而肉之庶幾免於災乎嗟

也言萬物茁茁焉呦呦焉以有生也矧園土冤林豈盡

奏當生之德能不稿乎顏其堂曰春回寒谷俾慈惠

之長目擊心動求所以生之乎故生之孔有萬而生

是待生於喜愠之遭也有惜惜無辨以獄為市者則以

關說為重輕是寄生於左右之口也亦有知天鑒在顏

宜春縣志

卷二

其

持法明允者然上疑心與疑無必其中孚也下訾耳與
訾無必其允服也究且無當其亦寒也哉周官以五聽
求民情呂刑猶曰丕蔽要囚服念至於五六日此墨墨
求生之心可想矣故司讞者不可先逆高門之報而惟
執犯蹕之平也不可先怙照益之哲而惟協釋滯之規
也不可先密籍勒之綱而惟快愀則之衷也不亂法不峻
法不任德不任怨明恕而行秉之以公則春意內盎生
機外溢是不尸其生者迺其所以生哉何者天無心故
歲功成也人亦無心故刑罰中也噫操一好生之心獨
五刑之惟兢兢哉充而拓之化滿春臺矣敢以質之同
心者斯可以為宜春令
於是次其本剽為之記

典史廨在縣署左

黃圃巡檢司廨在石裏鄉距縣百里為邑西北扼要國

正廳房屋共十六間

縣教諭署在明倫堂左 修建詳學校

縣訓導署在高士祠右
修建詳學校

裁廢各廨署

洞富巡檢廨在集雲鄉淵富嶺為邑東南阨塞乾隆間移
建南廟街後駐劄縣治右主簿舊署道光二

十四年裁今為
刑科吏舍

主簿廨舊在縣
治右

縣丞廨舊在縣
治左

稅課司解在石裡鄉
明裁革

河泊所舊在信義
鄉明裁革

延賓館舊在儀門
外西偏

申明亭舊在頭
門左

宜春縣志

旌善亭舊在頭
門右

醫學舊在縣治
東湖西道

陰陽學舊在布政
分司西

僧會司舊在袁
山門外

道會司舊在宜
陽門外

榜亭三間

卷二

建置 公署

七

提督學政行署在府治東南宜春臺後舊為嚴氏南府後

改為兵備道署一國朝道缺奉裁改為督學署內建考

棚康熙四十五年宜春知縣江為龍詳請合郡公修乾

隆十年知府程文華檄四邑重修二十三年四邑復修

五十三年萍鄉貢生文守元捐修并建南北兩舍考棚
嘉慶十一年宜春分宜與萬載貢生李以正各捐貲修
葺正署并改建考棚於署東偏立為十二棚標以地支
字樣知府鄭鵬程記宜春蕭光照捐建子棚劉方度記
劉錦陞捐建轅門雨亭劉潮記分宜萍鄉萬載各有捐
建姓名載前志

附鄭鵬程新建考棚記

州郡之有試院本督學行署所

貢院俗呼考棚考棚席舍為試曰士子列坐之所在行
署堂下東西袁試院舊在宜陽門外東湖旁宋慶元間
郡守江自任建顏之曰公明堂嘉慶間郡守趙鏡夫遷
於城內之東隅有錢文子記皆不可考今試院乃湖西
道舊署康熙間添建考棚乾隆十年二十三年疊經修
葺三年兩試居裁月餘其棚雖易席以瓦然地隘而屋
建置公署

宜春縣志

卷二

六

庫每號局促凡與試者會不得橫肱一動而同座皆搖
其勢然也嘉慶十一年余奉命守袁思改造以便
士子而郡屬諸紳士之好義者公餘來謁以意告之僉
以斯舉為不可緩慨然力承一諾既定四屬響應乃相
其地之東偏拓其外垣得捐地二十四丈規之直北為
堂皇堂後建屋三楹堂前左右各兩層為棚一十有二
以條石為凡墜每座約闊二尺餘或獨建一棚或公建
一棚有嚴有翼如跂如矢憲使汪閣部見之嘉歎良久
以為江右一十四州郡未有若斯棚之宏敞爽塲者郡
人之好義急公固如是也役也經始於嘉慶十一年
十月落成於十二年六月既又即舊棚為吏舍中間門
堂墻屋莫不煥然司事者請余為記余維豫章科名之
盛始於唐盧子發子發袁人為韓門弟子其文高超不
待言乃其行已有可觀者蓋子發見賞於贊皇當時牛
李之黨獨子發矚然不與今考棚之役易庫而高易暗
而明易狹而寬易舊而新所願與試諸生於此得進德
之象焉則行為先而文為後修之家而獻之廷黼黻文
明不特斯棚之冠諸郡即為一時人士弁冕可也若夫
捐貲襄事紳耆例得並書以人數多倣古碑陰題名並
詳其工費大書深刻庶幾見者得以眾著其美焉嘉慶

庚午仲秋
月吉日

附劉方度記

嘉慶丙寅鄭松谷郡守下車伊始見袁州試院考棚舊宇偏仄號舍傾欹即檄四邑

合修宜春侯龔鐵夫明府集邑紳領建邑人猝難定議維時職員蕭君光照欣然任建子棚刻日鳩工不特為材建宇規模闕備極堅樸糜費千金是舉也不特為宜邑嚆矢且為諸邑領袖落成後宜與諸邑科甲鼎盛英才輩出莫非茲役之大有造於多士也夫根之培者樹必茂源之深者流必長今蕭君始事如此其食報宜何如乎蕭君家素豐予夙稔其好義不藉以市譽其識量過人遠矣特為記其巔末以垂不朽

附劉潮記

嘉慶己卯秋明經劉君醒吾於試院轅門內建雨棚為士子庇費約六百金落成而君以

是時屆六十誕辰諸友人郵致其事來京並以壽序請予喜誌之且為之祝曰於戲君之仁也君昔者每言試曉立贖泮中旁風上雨輒慨然欲為之庇今果一舉而遂畢其願其天性然也昔杜工部詩云安得廣厦千萬間大庇天下寒士俱歡顏使君大用於世憂國憂民之心與杜公何異吾嘗覽王己山壽儲六雅先生序云善

宜春縣志

卷二

建置 公署

九

頌禱者莫先於南山有臺之詩說者謂臺莎草也葦笠以之農夫蓄葦笠以備雨比君子蓄賢以為邦家基故以臺發咏而祝壽焉今君屢愛士之心不啻萬間廣厦之托庇則雖遇雨淋漓濟濟中不張蓋而若臺之為備君真躋於仁壽矣多士之祝君者莫不歌南山有臺矣斯真可以為壽矣昔坡公以喜雨名亭為雨喜也今多士不喜雨而喜雨之有是備則即以記雨棚者為君志喜並為多士志祝也可君姓劉氏名錦陞醒吾其別號云

咸豐六年髮逆折毀僅存石柱破壁咸豐十年署府事陳

喬樅諭四邑分修經始於庚申夏落成於辛酉春宜春

修自儀門至大堂中為甬道左右兩廊堂左大廚房過

亭考棚丙子寅辰三棚

協鎮副總兵署 國初置協無公署賃居民舍康熙十四

年總兵趙應奎率合營官兵捐貲買城東宜春臺下民
屋鼎建自外及內規制甚備乾隆元年副將李登科十
三年副將陳益二十年副將田遜三十二年副將薩郎
阿四十四年副將阿克冬阿五十五年副將塔克慎六
十年副將樊雄楚等前後重修咸豐五年經髮逆毀壞
過半同治四年副將瑞林修復如初

都司署在協鎮府西偏康熙二十四年合營官兵捐建後
都司張學純修雍正十三年都司張薰乾隆元年都司
李大綱二十三年都司官德齡三十九年都司王格五
十二年都司得勝保五十九年都司王朝壁先後增修

宜春縣志

卷二

建置 公署

三

咸豐五六年寇毀

千總署在協鎮府前小北門內北向康熙二十四年副將
梁鼎捐建嘉慶二年千總徐鳴鳳購買地基增建道光
二年千總汪鳳翥重修咸豐六年寇毀

把總廨在小教場東偏

大教場在宜陽門外一里臺一廳一明景泰七年立 國
朝乾隆二十三年副將田遜增建後廳及鼓亭二所買
民基擴馬道

小教場在宜陽坊報恩寺西順治中建中爲演武亭左右
建營房六十間又自雲峰巷至浣化坊共營房三十六

間

廩保公所在城南三官殿左乾隆五十五年修縣學剩有餘資倡建正廳一棟廳後直計八間中有小廳專為合邑廩生保結諸童及清查各弊而設一當考期外人不得居住以侵職守閒時雇人照管亦惟諸廩保承行外人不得混理

育嬰堂舊在府治迎曦樓之左原因溺女者多設立錢穀章程以濟貧民歷久漸廢 國朝乾隆間署縣事張五緯倡宜春合邑紳士勸捐置有田租設育士經理立有章程事關風化因將各莊田租列后俾垂永久

宜春縣志

卷二

建置 公署

修仁鄉竹山下庄田 竹籬墘下早田一十籬一坵
塋上早田二籬一坵 烏石公下早田四籬一坵又早
田六籬一坵 羊田坑口上早田五籬一坵 羊田坑
口內遲田三籬一坵 坵下早田四籬一坵 坵下
早田四籬一坵 社下早田四籬一坵 坵下
籬十坵又西坑遲田五籬連二坵 烏石公下早田六籬一
連二坵 薄刀坵早田十四籬一坵 籠裏早田六籬
連二坵 坵下早田五籬一坵 對門山下早田八籬
一坵 坵下早田五籬連二坵 老碓場早田三籬一坵
烏石公下早田五籬連二坵 南頭坑遲田五籬連三
坵 又早田四籬一坵 以上每七籬合一畝共田二十
三畝每年實收早租穀二百桶遲租谷二百桶
薦外鄉西村等處莊田 石角田五十五把七坵 西
坵山十把二坵 長坪十五把一坵 又五把一坵又十
把二坵 茶樹坪二十把一坵 壕頭六十把二坵
新塘下三十把二坵 橋邊長二十把一坵 臺立上
樓下屋背十五把一坵 臺立下四十把四坵 麥土十把一坵
樓下屋背十五把一坵 皂角樹下十把一坵 芒董

第五股大坵上一坵下二坵中股二股相連二坵頭上
第五股大小計八坵小橫坑偏田更相連大小共七
坵選一股早田上橫坑上一坵又落腳早田一坵已
上共田二十六畝每年實收租穀三百桶前後左右
樂林竹木山場空基魚塘并新老二廳
具五段管一又屋四間倉屋并倉一間
薦裡鄉坑西屋背田一百二十把四坵門首田八十把
一連二坵俱大塘泉水蔭注已上共田八畝每年交租

穀一百
零八桶
歸化鄉下浦市馬頭上店房一棟並地基每年收租錢
二千文
集雲鄉梅州唐家凌莊田門首田一坵並田墾上竹木
等樹青山田一坵并仔坑田一坵及梯仔坑田一
塊屋一棟四扇三直併兩邊厝屋以及牛欄猪稠灰
寮在內楊柳坑屋後山一障以上田共八畝五分五
釐每年實收租
穀二百五十桶
薦外鄉上石背螺江橋大園土二處莊田社下早田
三十把一坵
甘家屋背車上早田四十把一坵又早

田四十把一坵二坵又早田八十把一坵併土
三十五把一坵橫塘早田十五把一坵併土
隴裏早田六十把一坵過路坵早田三十把一坵
長坵早田二十五把一坵犁嘴坵早田三十把一坵
黃土坵早田二十五把一坵靴坵早田三十把一坵
草坪早田二十五把一坵油榨下早田四十把一坵
山下坵早田二十五把一坵黃土坵下早田二十把一坵
南湖園早田四十五把一坵檀樹岩下早田四十把一坵
坵嶺背楊梅塘連共二百一十把一坵長塘一
瓜遲田三十把二坵鴨公塘遲田三十把一坵冷
又遲田二十把二坵棕木橋遲田二十把一坵
水坑早田二十把三坵同處早田二十把一坵
台力上早田三十把四坵沙坵田三十把一坵
樹下早田三十把四坵大路下早田三十把一坵
田十把一坵又早田十把一坵栗山下早田十把一坵
五把一坵鶴形早田十把一坵一坵火烟口早田十把一坵
坵又早田十把一坵南坵下遲田十把一坵大園土

田四十把一坵二坵又早田八十把一坵併土
三十五把一坵橫塘早田十五把一坵併土
隴裏早田六十把一坵過路坵早田三十把一坵
長坵早田二十五把一坵犁嘴坵早田三十把一坵
黃土坵早田二十五把一坵靴坵早田三十把一坵
草坪早田二十五把一坵油榨下早田四十把一坵
山下坵早田二十五把一坵黃土坵下早田二十把一坵
南湖園早田四十五把一坵檀樹岩下早田四十把一坵
坵嶺背楊梅塘連共二百一十把一坵長塘一
瓜遲田三十把二坵鴨公塘遲田三十把一坵冷
又遲田二十把二坵棕木橋遲田二十把一坵
水坑早田二十把三坵同處早田二十把一坵
台力上早田三十把四坵沙坵田三十把一坵
樹下早田三十把四坵大路下早田三十把一坵
田十把一坵又早田十把一坵栗山下早田十把一坵
五把一坵鶴形早田十把一坵一坵火烟口早田十把一坵
坵又早田十把一坵南坵下遲田十把一坵大園土

田四十把一坵二坵又早田八十把一坵併土
三十五把一坵橫塘早田十五把一坵併土
隴裏早田六十把一坵過路坵早田三十把一坵
長坵早田二十五把一坵犁嘴坵早田三十把一坵
黃土坵早田二十五把一坵靴坵早田三十把一坵
草坪早田二十五把一坵油榨下早田四十把一坵
山下坵早田二十五把一坵黃土坵下早田二十把一坵
南湖園早田四十五把一坵檀樹岩下早田四十把一坵
坵嶺背楊梅塘連共二百一十把一坵長塘一
瓜遲田三十把二坵鴨公塘遲田三十把一坵冷
又遲田二十把二坵棕木橋遲田二十把一坵
水坑早田二十把三坵同處早田二十把一坵
台力上早田三十把四坵沙坵田三十把一坵
樹下早田三十把四坵大路下早田三十把一坵
田十把一坵又早田十把一坵栗山下早田十把一坵
五把一坵鶴形早田十把一坵一坵火烟口早田十把一坵
坵又早田十把一坵南坵下遲田十把一坵大園土

宜春縣志

卷二

田四十把一坵二坵又早田八十把一坵併土
三十五把一坵橫塘早田十五把一坵併土
隴裏早田六十把一坵過路坵早田三十把一坵
長坵早田二十五把一坵犁嘴坵早田三十把一坵
黃土坵早田二十五把一坵靴坵早田三十把一坵
草坪早田二十五把一坵油榨下早田四十把一坵
山下坵早田二十五把一坵黃土坵下早田二十把一坵
南湖園早田四十五把一坵檀樹岩下早田四十把一坵
坵嶺背楊梅塘連共二百一十把一坵長塘一
瓜遲田三十把二坵鴨公塘遲田三十把一坵冷
又遲田二十把二坵棕木橋遲田二十把一坵
水坑早田二十把三坵同處早田二十把一坵
台力上早田三十把四坵沙坵田三十把一坵
樹下早田三十把四坵大路下早田三十把一坵
田十把一坵又早田十把一坵栗山下早田十把一坵
五把一坵鶴形早田十把一坵一坵火烟口早田十把一坵
坵又早田十把一坵南坵下遲田十把一坵大園土

早田三十五把二坵 大路 上早田十把一坵 大路
 下早田十五把二坵 店仔門首早田五十把二坵
 葛布塘五十把一坵 高塆下早田二十把一坵 店
 仔門首早田二十把一坵 勸下早田二十把一坵
 馬家龐早田二十把一坵 嫩菜坡早田二十把一坵
 窰前遲田十五把一坵 大塘尾遲田六十把一坵
 沙坵早田五十把三坵 湖家車筒車二把內管一番半江家車水一又大園
 土屋一棟四扇三植右邊厝屋四扇三間左邊厝屋一
 直二間并前空基圍墻右邊厝屋後灰寮一隻及地基
 在內又菜土一塊又桑稅一畝以上田一千七
 百五十把計七十畝實收議租穀七百五十桶
 歸化鄉彬江河背庄田一坵 河背樹下早田一畝五分計
 二坵 壇前田五分一坵 確陂上早田五分一坵 一坵又
 早田一畝五分一坵 破港裏早田二分五厘一坵 確屋
 背早田一畝一坵 花洲早田一畝一坵 塘背早田一畝二坵 又早田一
 畝二坵 屋背一坵 一坵又早田一畝連二坵 竹山
 背田二分五厘一坵 老虎坵一畝五分一坵 祖堂
 背一畝二坵 河背一畝一坵 又十五把一坵 欄脚
 建置 公署 三畝

宜春縣志 卷二

陂田三十把九坵 竹山背二坵 又一坵 港下早田
 三十把一坵 安長坵五把一坵 弓背上早田十五
 把 萬家墓十五把三坵 鍋形裏早田十五把一坵
 以上共田二十一畝零二分五厘實收早租穀二百五
 十二 桶

普濟院在袁山門外下水關專為孤老而設明洪武五年
 知縣孫仕敏立宏治間知縣郭維增置房垣蔬圃萬曆
 知府鄭情典署同知陶之肖重修後知縣周應偁製碑
 文於甬道中明末兵毀 國朝康熙五年知府李芳春
 署縣事鄭宰查復舊基重建李芳春記

養濟院在袁山門外上水關專為乞丐而設
 瀾澤園二所 一在南外廂泉水嶺上一在西外廂
 戚家嶺上俱約三百丈是為官山

京都袁州試館在京城正陽門外東草廠七條衚衕坐東
向西瓦房一所計四層大小房十五間前後至街南牆
緊連南安試館原係前明四邑公建至明末兵變失業
乾隆九年邑紳袁芳松任內閣時因尋帝里春臺舊額
乃復故業倡率四邑官紳及士庶衛丁等捐買重建
京城宜分萬試館在京都板章衚衕道光三年宜春分宜
萬載三共買大小房屋并店屋三棟計八十餘間價銀
貳千五百兩宜春出銀九百兩

寺觀

報恩寺

在城東門內唐天授初名重興宋乾明後疊改崇額元毀明重建和開額天甯又改神香宮紹聖間賜今

募修雍正元年僧秀峰重修于嗣昌記

附于嗣昌記

袁城東有報恩寺由來舊矣歲久傾頽不勝今昔之嘆歲戊午余守此邦正吳逆據

長沙王師數萬駐劄袁陽當是時赤子瘡痍未登衽席違問古刹之零落乎幸不數月王師奏凱吳孽奪

遁哀鴻漸集民情稍安百廢漸堪措置除招徠復業勸論開墾外思修學宮建隍廟培植風土其如寒員治署

力與心違何乃忽有余舊契善男子袁守才自楚來其人經營為業急公尚義以修建寺院為心于報恩古刹

力任重修其時天柱禪師駐錫于此操行孤潔悟徹大乘久為輿論所愜余政治之暇問與之接即以興復斯

寺為請余嘆其立意不辭艱辛因勸勉之查康熙甲寅土寇未亂以前總戎趙公大參施公日以地方之憂為

憂百姓之命為命凡見有關民瘼資風化而零落殆盡者心即惻然于此寺欲庇材鳩工重新舊址後竟有志

建置寺觀

宜春縣志

卷二

未逮罔成善果者何也總由數年來羣逆蜂起勞于王事故耳今以數百年已頽之基一旦煥然成功于久遠

余雖偕同人竭力捐貲以勸盛舉終不若一善士一高僧之慇懃篤切勇往直前不兩月而成為可嘉也爰命

勒石以記之附趙濂宿報恩寺詩古寺傍東城遊人暫駐旌松風吹短袂竹蔭愜

幽情日霽雲容澹花繁綺色明上方聊假寐中夜梵音清

楞伽寺

在武廟後為嚴府舊址本邑陳氏施田六十餘畝乾隆間僧亦如重建堂于右陳廷枚額曰化雨堂

水月寺

舊名圓通庵在靈泉池上康熙初重建嘉慶間僧普慶等置有香火田一百五十三桶額租十九年

以田契六紙呈縣存案徐樂山批示勒石

泗洲寺

在東門外唐高宗時建明僧斷崖國朝僧智明皆新之

附江臯過泗洲寺詩

古寺隔山阿霜滿秋林樹曲折繞稻畦披荆得村路荒寒倚市城

有殘僧住庭橘綴青陰籬花滴香露佛座古苔遮門前剡竿仆誰復振獅絃飛空獻花雨西來意不傳野子恐

冬誤仰山天外峯神龍入煙霧况此莖草緣杖鉢安能
聚興廢當有時布金豈無遇我欲問德山來參未後句
會逢兜率翁
古佛應重鑄

珠泉寺

在城南卽珠泉亭明萬曆庚申知府黃鳴喬建侯
世屏有記 國朝康熙間知府胡希聖重修創見

我亭黎元寬記置有田十六畝
三分永供香火咸豐六年逆毀

附侯世屏記

夫珠泉亭何昉乎關疆于泉水嶺結亭其
上而亭下一泓澄碧濺沸如珠珠自中盤

折九曲溉田萬頃蓋兩居其勝而名所由來矣且結轂
南城對春臺相輝映而此泉襟帶以陰消其鬱攸之氣
若天所造焉洵郡治一勝觀哉奈歲久日圯而從東闢
門于形家亡當也泉之上有一臺則跬步靡騁矣泉之下
有樓樓之旁有廊則一木莫支矣垣之堦途之蒺池之
堙城之塌將為鹿場鼠壤矣莆陽黃大公三年報政百
廢俱飭一日攜予與攜李劉公龍水孟公觴飲于其上
因嘆曰以名勝之區陲陵如斯甯得不一繕葺之乎不
惟負山霽且負茲來游矣輒委檢校韓朱錦董其役
恪奉公畫諾公悉捐餐錢辦之會春水暴漲山谷中有

建置 寺觀

宜春縣志

卷二

緋纒木柵蔽江而下又若天所相焉以勝其任乎迺卜
日興事陳畚揭蘊沙礫撤曲廊纍層城夷沮洳卽一棖
一柱一瓦一石不以問之民傭者且計口受直門闢中
道將將爾爾堂增疏櫺矚荆爾樓拱兩翼案案爾臺廓方
丈平平爾池湧渙文湜湜爾壙繚重圍沆沆爾途表夷
庚撫撫爾爾卽袁江多佳山水而思清冷之適也高明之
觀也舍此其奚之哉蘇子曰人之居乎此也必有以樂
乎此也居則樂樂則不去班荆燕胥極帳懷萃蓋景與
心會也與公猶慮守者莫何新構罔功募僧性存守之
復于在官田塘之內度肥瘠而輕重賦之田多者割半
而僧自爲之耕塘腴者徵租而食其餘于僧不費不擾
官民兩利皆公心清如泉與民休息意乎嗟乎天不人
不因人不天不成坎以潤於下離以炎於上陰陽互媾
以消息其機天之所以示象於人也五生不相殄五尅
不相逆饒減並用以變化如蟪人之所以補大於天也
撫茲一泉不似曩空之在大澤乎然因泉以名亭因亭
以濬泉收坎之潤以洩離之亢天乎人乎其幹旋造化
者之善權哉公新其堂構俾此嶺此泉以競秀於南城
也其名亦藉以不朽是公大有造於袁也夫卽以之
酌元氣持衡天下可矣工創於仲春告成於初夏公始

適然曰盍往觀乎同儕朝與臨流舉觴嘔噓移父子不
揣不嫻於文援筆而紀其事公名鳴喬字啟融莆田人
甲辰進士萬曆庚申歲季夏望日黎元寬記亭由泉著似泉惟德太
以似泉泉在袁陽去治所僅若而武舊時稱珠泉第取
形容未及水清見我之義體用乃完外內亦台是泉宜
以是謂之而公署號則既然矣公清心介節凜乎非今
世之士也嘗誦少陵詩在山泉水清出山泉水濁若公
真清不可得濁何必重在山而輕出山於是守郡至五
載政成人和訟稀謳起四境多可樂者公雅意尤不及
遊觀而棠樹鬢鬢衣將迎羣情有寄許公曰當無迂
之以就斯構問委予書見我亭三字予且妄意泉不妄
有名今陳子來言始知其用公號壹如醉翁已事但從
人命之非公自命而公能為人來許公復能為公來又
何沾沾於來為一身不來為萬民乎蓋佳境恣取瓌狀
迭呈風冷雲流常在襟裏至於酌酒賦詩豪管哀弦時
時間作公事未嘗不了予聞而欣然有褰裳濡足之想
先日客或謂予此泉當洪武時嘗一日給軍千萬不竭
以功得封其賜名則忘之矣又一客曰所封遠使者迷
偶置於此泉遂飛而來嗚呼此即豐樂亭記中求清流

宜春縣志

卷二

三

山戰處不得之說也歐公於滁嘗治三亭皆以泉醉翁
則同人豐樂則思古顧不如醒心之為親切夫醒心猶
之見我矣夫潤澤豐美可被於人無加於我而惟存我
者自可以及人唐宣宗詠泉以終歸大海作波濤評者
謂之帝王氣象其實恃源而往雖放乎四海莫非我與
我周旋易曰雲行雨施天下太平天下之利見大人即
大人之自見其我也予請以是義記見我亭而太守公
名希聖號如石臨汾人丙戌進士許公名壯猷號元公
總戎命書陳子名濼字于邱受公知幕府則董公正己
一沐司李則鄭公燼宜令則張公浩幕府則董公正己
得並 劉冠英宿珠泉寺詩暮鐘宿鳥聚春雨落花閒
志 泉噴珠千顆禪空月半彎
偶來方丈憩靜裏一開顏

國泰寺

在城西門外官圳弦後宋治平六年

湖岡古寺

即明敎院在城南湖岡臺宋契嵩禪師倡道建

袁忠毅家捐貲改建禪林及藏經閣蘭若寺置香火田
十五畝并銅瓶等物康熙間知府顧岱施飯僧田五十

此時大眾雲集，改觀輸金，納粟共勸，盛舉不數年。間棘栗叢化，作清涼勝境，樵牧處復成精舍，祇園瓔珞。挂一椽優曇，再現琉璃，懸四壁清域，莊嚴大闢。維新之末，後何等親切，自在若非信得及，會得末句，烏有如是。一之境界也哉！然則一以學佛而仙，而仙品登台，人知老子元修之功，不虛一貫。融通方識三聖，同一鼻孔，不相刺謬也。余旨不佞於丙辰，出牧袁陽，因傷寇亂之餘，偶作出世之想。詢及名山，或以湖岡禪寺對詢，及高僧或以其惠長老對予喜而識之。其時滿漢雲集，政務煩劇，心雖嚮道術，乏分身即名山，在望實不能作一日清閒主人。未幾而以慈制解任，僅一接其翁於署中，雖大機之用未獲承領，而慈風清格已出人頭地，閒談片刻，足慰平生。彼久而依丈席者，又不知幾利益也。越數年予復補任於杭，而其翁杖策來謁，他鄉之遇較前倍親，怡語竟日，不覺結魄已西昇矣。而師因道及勒石志迹之事，屬文於予。予曰：凡境之非勝者，每因人而轉移，若湖岡之境，有佛梯仙與天地同其悠久，似可以不記。凡人非聖者，每

建置寺觀

宜春縣志

卷二

五

因時而湮沒，若鄧公三際諸公乘蓮御鶴，與釋老同壽。人口似可以不以記，抑人與境之兩無聞者，每隨桑海以變遷。若湖岡臺以山則靈，以人則聖，載在郡志，與大仰楊岐馳驅先後，似可以不記。雖然臺名湖岡，臺已記矣。仙名鄧表，仙已記矣。釋名三際，釋已記矣。寰翁其翁中與古刹不振，宗風僧俗四眾瞻禮，恐後師已記矣。今而索記是，即記也。若徒侈紙上之波瀾，襲表揚之浮靡，恐非其翁分中事，愚用不敢饒舌。聊賦短章，用記勝槩。記曰：維茲湖岡，肇自晉唐，始為仙域，繼為佛場。佳山麗水，天地靈鍾，古木奇石，神聖遺蹤。境載郡乘，法傳高僧。寰翁飛錫，其師續燈，爰廓蘭若，丕振宗風。操行精嚴，法界圓通，厥地永靈，厥道永隆。蒼松翠竹，意旨攸同。鄧峰寺在城南二十五里，鄧尖峰昔鄧表修煉道場，明袁子庵施僧供奉香火，永禁盜賣，載湖岡臺志略。

瑞慶寺

在城南六十五里，唐貞觀間建，名能仁。宋紹興間改名雷音，明末始額今名。寺後有石塔，高數十丈。

方整插天，其上砥平，名為講經臺。下有烏龜石，左右有此字巖，雞冠石，龍頭山等，最為宜邑勝境。

太平興國寺

在城南集雲鄉大仰山下即慧寂禪師修真處唐會昌賜名樓隱宋故今額唐宋賜經御

書碑碣甚多俱毀僅存元程鍾夫撰碑記

附程文海大仰山重建太平興國禪寺碑

皇元有天下佛法益尊大

天下名山思致崇極以稱德意皇慶元年袁州大仰山重建太平興國禪寺成有司圖上其事詔加封開山祖師小釋迦曰慧慈靈感昭應大通正覺禪師二神曰顯德仁聖忠祐靈濟廣慶王曰福德聖仁忠衛康濟順慶王命詞臣發揚休烈勒垂聖珉臣某謹按唐宰相陸公希聲塔銘師名慧寂世韶州族葉氏文宗朝從瀉山大圓師悟曹溪心地直指之奧又從國師忠和尚得元機鏡智之妙按宜春圖經會昌元年師來自柳過二白衣神指其地居之方是時國正侮蔑佛法學徒陵遲幾不自立而師應七葉之運龍從此山歷歲數百其道大暴於天下斯亦奇矣神蕭姓伯大分次隆初宅水上游忽夜半風雨遷廟於堵田漢晉以來或淖高原為田或助官軍弭盜禦災捍患神怪不可度已迄今水旱疾疫之禱輒響應廟而祀者幾半天下非聰明正直能致然耶

宜春縣志

卷二

六

神得師而化乃宏師得神而道益彰故合祠於師之室封秩必俱大德癸卯冬十有二月乙亥寺災明年長老希陵圖復厥宇冰涉暑步不懈輸幣薦貨者川至為殿閣各四樓亭各二堂六祠一若方丈眾寮若門廡軒庭若庾庫庖漏以區計廿有八丹碧煥燦制度宏密廣員倍於舊而加美焉攢峰突嶂靈潭健瀑風景不改於昔而增勝焉十方來者莫不驚異讚嘆愴四顧而忘歸又建棲隱禪院於城南門為出入祝釐之所噫勤矣陵何氏世以儒顯金華去為釋嗣雪嶠欽師之後為臨濟嚴整齊而學成者眾示諸行事則感動聽信而業樹者隆凡三錫命曰大圓佛鑑禪師於戲是道也藏用於體則靜無所為推體而用則動無不應慧慈以之承六祖開名山而神以之輔有道惠四方佛鑑以之廓象教宏法緒其致顯累朝宣光聖代批儕泰華南友衡廬歸乎大江之右微而著毀而完豈徒然哉辭曰惟大仰山周八百里據楚之藩昔有神人伯仲赫靈廟食其間在唐武宗粵小釋迦至自郴州歷澗絕谷神獻異境瓶鉢以安躡危躑難道喪不悖既固既完湜湜曹溪益濬而疏流為大川畝滌澮決廣洽混冥會於一原道得其正地

得其勝來學口繁後五百年空煨徒隳適啟聖元莫盛
匪今莫高匪禪或鑄而列乾乾佛鑑統一儒釋有光厥
先揚馮激濟惡衣糲食以示學人學人若林直指其心
有覺有聞表正釋惑遐邇不變順風駿奔崇構拓阻高
朗博碩如祇陀園青山為城白雲為屯翼翼言言由甲
底王克潰厥成孔勤且勤職司上言天子嘉之景命攸
敦於赫慧慈泊于大神鼎峙高尊靈宮既抗休號允爍
尚迪恩綸天經地甯保有無疆壽我聖君太史稽首播
頌萬億承

慈化寺

在城北石裏鄉南泉山普庵祖師禪地即南泉寺
廣袤宏壯分東西寮以棲禪為郡刹之冠乾隆二

十年僧明遠募
修嘉慶間復修

附元西域黑氏兒題南泉寺詩

普庵大士開山祖山色
泉聲似西土道成留與

坐禪身名軋羲娥共今古嗣師明照心量奇就地湧出
昆野離每年朝禮秋三月不異靈山大會時翬檐碍日
光超忽小草幽禽盡神物竹枝裊裊認精藍寶塔亭亭
秘金骨六時鐘鼓繞雲天滿月光中布福田花門搭榭
建置寺觀

宜春縣志

卷二

空筵席海國柁檀古鼎煙微塵寶聚他方眾長者金錢
宰官俸修廊夜燕萬枝燈齋廚日辦千人供庭前柏樹
手親栽願力宏深許再來須知張勉學宿慈化寺詩

古刹煙霞外征驂風雨邊入門清楚遠禮佛定光圓
野菽勤僧供香醪試佛泉宰官曾說法衣鉢賴茲傳
敖和遊慈化寺詩乘驄之上國便道過南泉古塔朝擎

山烟老衲多情
興相邀看白蓮

高琬書慈化方丈壁詩公事匆匆不
暫間且停驄

馬訪禪關雨餘石徑莓苔滑霜重園林橘柚殷洗鉢池
邊雲淡淡翻經窗外水潺潺自憐良會談元久忘卻斜
陽墮張玠九日宿慈化寺詩投閒暫息車水漲洗開

碧山張玠九日宿慈化寺詩投閒暫息車水漲洗開
山脚石鳥驚衝落樹頭花叢林一徑穿雲出寶藏鮑

懋奉命有事於武當還宿慈化寺詩暮宿南泉古道場

海藏天風翻貝葉月臨雲母散沉香龍降虎伏禪心定
鶴唳鳥啼客思傷獨坐空房渾不寐恍然身世在西方

天臺寺 在城西薦裏鄉大嶺片一三畝公建乾隆八年重修五遞公置香火田菰子灣二百七十五坵天井

江二百二 十五把 法雲寺 在城東歸化鄉大鵬山

錫嘏寺 在善和鄉橫塘蒲塘坑又名蒲塘庵康熙初袁克英等建并前後左右山場田上今屬起濤芳泰等

業雍正己酉振鐸起濤等重修乾隆壬午方杏等復修嘉慶庚午錫光等修前棟

獅山寺 在薦裏鄉中溪獅子山宋建在山巖右明遷建巖下 國朝康熙間修嘉慶戊午改建上下五楹左

為香積堂二十二年于巖上復建觀音閣寺右增迴廊十間

古林寺 在城西四十里康熙初知府于嗣昌暨邑紳梁佳植張潛捐建乾隆嘉慶道光間李一元暨子應斗

孫溶曾孫佩璠俱講學于此其西讀書堂及西村義勇祠并田產一元與門人梁珍倡置

顯靈山寺 在城南集雲鄉屬九加南二畝九甲張姓業置有香火田

興化寺 在城南木平山舊名雲峯院有飼龍亭乾隆八年僧重修

宜春縣志 卷二 建置 寺觀 八

接善寺 在城南七十里五家背南隅一畝程懋修建有田土山場供香火

慶福寺 在城南五十里鳳岡太平庵下乾隆甲辰僧林岩等建後僧修

金華山寺 在城南四十五里跨梅溪源頭東莊嘉慶二十五年樟樹下何姓倡修

保赤寺 在城南學院考棚後知府于嗣昌建乾隆甲戌知府楊協鎮陳捐買松樹下田四畝咸豐六年毀

化成巖寺 在城北化成巖即李衛公讀書處 國朝僧念融重建佛殿知府李芳春題額贊化裁成後屢

圮乾隆二十六年同知楊應瑤重建清音閣祀李衛公嘉慶庚辰寺僧募建關帝殿東增敬業堂西增面壁軒

額開曰介園道光元年知府隆泰于山門外建報安亭舊有香火田因碑殘產蕩僅存石山下田六畝嘉慶間

僧慈惠善安贖回十一畝後僧崇臻續置嗎蟻塘田四畝一分山下土一片咸豐六年兵燹廢旋修復

芙蓉山寺 在城東五十里明季僧古默建 國朝順治間修乾隆戊子尼僧道渠復修

古竹山寺 在城東五十里一名白雲庵 國朝乾隆癸丑僧大權修

長龍寺 在城東五十五里大嶺康熙間僧

西林寺 在城南下集雲峯東莊僧旭慈

集雲寺 在城南集雲峯大仰山左康熙乙

寶珠寺 在城南集雲自集雲遷建有田山

祥隆寺 在城南集雲峯下雍正乙卯僧訪山

太平山寺 在城南集雲峯下雍正乙卯僧訪山

廣利寺 在南源唐道明禪師建宋慈明禪師修

護國寺 在城西九十里薦裏鄉即護國院片

萬福寺 在城西薦外鄉福上崗巨田一名長

斌興殿 即寶琳院在薦外鄉十九福崗良田明僧建國

宜春縣志 卷二 九

建正殿及兩廂房同治九年

石牛寺 在薦外鄉柘桑下再興一崗崇業明建國朝重

翼以廡數楹舊有香火田 神山寺 在城東三十里

金沙寺 在薦外鄉大沙塘嘉

紹金山寺 在薦外鄉西村道光

石雲寺 在城北舊名觀音岩易在元

月光寺 在石外鄉徐潭村黃姓所建詳仙釋乾隆間黃與

崇勝寺 舊在袁山門外唐建宋太平興國中勅賜林樂堂

張任改建化嚴之東雍正間僧

附劉師殷崇勝寺秋夜獨坐詩 暝色依山寺 俯然淨客

高林遣興頻沽酒聽經不著
琴蟲聲來四壁淒切助清吟

大仰寺 在城南五十五里仰山東
莊其寺後另建有懶逕寺

長峰寺 在化南鄉泉塘明崇正間
建易姓捐置田產四十畝

蓮花寺 一在善和鄉長樂
一在石外鄉利田
無垢寺 善和鄉社江
背李姓業

聚龍寺 在城南朱樓坑康
熙壬午僧旭鑑建

能仁寺 在薦外鄉竹亭嘉
慶間何姓捐建

金竺寺 在化南鄉大塘下康
熙元年陳鍾二姓建

寶神山寺 在城北七十五里八角亭山內有古寺相
傳為佛法寺石洞內刻有萬曆二年字蹟

永興寺 在薦外鄉南
塘即水口庵
筠溪寺 在薦外鄉福
上置竹亭

石門山寺 在集雲鄉
澗富嶺
華藏寺 在化南鄉
塘源坑
建置寺觀

宜春縣志 卷二

天花寺 在城東
下浦市
景福寺 在化南鄉

天鵝山寺 在城東
五十里
竺雲寺 在城西南
三十里

棲雲寺 在城南絳
橋屋背
翠筠寺 在古廟
大龍山

竺影寺 在城南
六十里
菩提寺 在城南六十
里下務德江

興隆寺 在城南六十里
壽昌寺 在信義
鄉渥江

大覺寺 在善和鄉
梅村台上
天龍寺 在石裏鄉
天龍岩

祥雲寺 在城南六十里
盤龍寺 在城北東
七十里

萬年寺 在石外鄉
利田
永鎮寺 在修仁
鄉仙源

湖塘寺 在善和鄉
歸德一畝
正覺寺 在城北五十
里黃鰲窟

碧雲寺 在薦裏鄉漢坑
鍾姓建有田土
隱龍寺 在集雲
鄉古廟

積善菴 在集雲鄉

月明寺 在信義鄉

元福寺 在泉水嶺澗

瑞龍山寺 在城東五十里

西林庵 在城內西北隅卽三官祠知府解經達建袁繼

附袁繼成西城三官殿記 聖人以神道設教而天下治

於社犧牲玉帛必虔祝史陳辭可以一戰乎或曰未也

民神之主也告民力之普存者先成民而後致于神故

其道有神也聽之而無聽于神以爲聽于神必據荒忽

而邀不可知之福據荒忽而邀不可知之福必棄百姓

而墮當成之業爲民之心力無所不殫而冥感元通倘

也爲民之誠必其果有神卽其果有神而予以爲非神

年民大和會神同時惘太守西安解公鎮撫袁山蓋亦有

公聞之投袂而起劍及壺皇車及于市而寇卽嚙指宵

遁謂非威神之所懾歟公因是以稱番築增城隍謹訓

練畫郊西門外舊有三官閣賊行火矣公移而更新之

其勞郡西門外舊有三官閣賊行火矣公移而更新之

宜春縣志

卷二

十一

兼奉大士而妥之而民益龜勉從事公曰疇昔之夜神
實見夢于予夫夢因也想也且三官之名不載于祀典
大士之祝不頌於祠官脫果有知豈不能出光怪驚動
之餘巋然獨存脫其志果在禮祀豈不能出光怪驚動
矣公閱皇之忱如達于面而劫之効已形於手爲民
之誠之至不以大小險夷聞也其德人天而感冥漠宜
也今者堂戶相交本末不撓民曰幸矣神之格思其有
據乎則又或致望曰享祀豐潔何以報我永爲茲土禦
災捍患乎世無不更張之治法而有能不攜貳之精爽
嘗循覽往事城郭却已葬井木抑已理崇功報德之祠
亦且散爲寒煙盪爲冷風而中獨有耿耿長存者爲民
之誠之至不可掩而不可射如此夫予旣欽公之爲神
似而更歎神之知所依也雖曰有神焉可也

瑶金庵 在宜春臺左三義祠下唐彭祖師示寂處咸

觀音庵 在西門外古大廟後尼僧所居邑人劉培彰

碧雲庵 有二一在善和鄉橫塘袁銀九兄弟業置田五

太平庵 在集雲鄉明萬曆間僧建

長蘆庵 在城南三十五里康熙間知府于嗣昌額題無為而成知縣王光烈額題宏開不二

慈雲庵 卽小吉山寺本集雲鄉新坊僧慈賢建康熙丙寅重修

南源庵 在城西石外鄉塘下陽劉二姓公建各捐有田土陽姓與庵近一切憑據故交劉姓族長輪收

三教庵 在西門外灘下易禹十建并捐田土咸豐六年毀壞

福龍庵 在城西薦裏鄉小龍源僧朗月建仁壽庵 在彬江龍頭山

萬福庵 在西門外灘下社稷壇北香山庵 在城西八十里山多旃壇

法華庵 在薦外鄉沙田文殊庵 在東樞山屬府學管

興祖庵 在薦裏鄉高嶺劉姓業道圓庵 在薦外鄉鸞坑福中畝業

圓通庵 一在信義鄉聽訟庵 在城北八角亭

宜春縣志 卷二 建置 寺觀 三

東華庵 在薦裏鄉段家坊片六畝業萬福庵 在石外鄉三角山樞林彭姓建

迴龍庵 在化北鄉甘姓捐并募建興隆庵 在集雲鄉潤富鄒汝富建

靜覺庵 在化北鄉槎溪北壇保豐庵 在城東詔仁鄉上窰

普福庵 在城西薦裡鄉洗面塘營裏古庵 在修仁鄉劉光元建

石庵 在城西南三十里僧正脈建白雲庵 在城西南台山下有善慶庵

海會庵 在石外鄉明建三元庵 在善和鄉韓塘三官殿

石古庵 在善和鄉橫塘袁振照業地藏庵 在西門內

福慧庵 在修仁鄉中陵下會龍庵 在化南鄉

清泉庵 在修仁鄉中陵華嚴庵 在石裏鄉

齊雲庵 在修仁鄉牛陵圓覺庵 在石裏鄉

新月庵 在石裏鄉

大塘庵 在信義鄉

柞木塘庵 在善和鄉韓塘

萬古庵 在薦外鄉

瑞龍庵 在集雲鄉大嶺

東林庵 在石外鄉

柏子庵 在東門外

迴雲庵 在薦外鄉山塘

月山庵 在薦外鄉桑劉姓建

普覺庵 在薦外鄉西村河北

西竺庵 在信義鄉虎狼橋

碧雲庵 在石外鄉塘下易學佩捐田三十垆

普濟院 舊在宜春臺左宋紹興初為孚惠二王行祠純熙間改建臺西祀惠寂禪師慶元己未煨州守李訖

重建置有田十六畝五分

明惠院 在城西國朝邑紳張潛建後為曇華閣閣後有知府葛繼孔給示永禁採煤

宜春縣志

卷二

建置 寺觀

集福院 即雲蓋院在城西修仁鄉潭下

定光院 即溫湯定光禪師道場

附黃河清記 出萍實門西南走四十里而遙為溫湯田以地有溫泉而名也寺曰定光俗謂之

溫湯院寺外溫泉有三左垣下皆甃石分上下池上池小方池方廣不盈五尺熱甚里人謂投卵可熟也下池

廣相若而長熱稍減矣其一出江心巨石中尤奇寒此四面獨如沸湯此皆予所目驗坎德坤靈鍾毓特異

乎宋夏成恭皇后實產是鄉郡志文謂一在西岸下予所未及寺之興無碑記可考以此泉之勝建梵

以憩遊人其來久矣然實微陋不稱且就頽焉適予事宿于寺里人來謁予謂將新之并置里塾顧費有

瞻欲得文以驗諸同志予謂此泉有蠲疾滌垢之功地處偏僻不得名于世使茲寺日就頽廢後雖有聞

欲觀者亦以憩息無所憚于一來而名蹟愈湮矣今三子存舊之餘并構新塾使其子弟日藏修游息

崇彼教求福田者相去霄壤爰不辭而為之記

龍安院 即延慶院在修仁鄉賈溪

淨居院 在薦裡鄉片二畝江東

永安院 在城北善和鄉荆橋唐建

淨因院 在城北五十里化北鄉

精進院 在善和鄉泗江上今圯改為觀

定安院 在善和鄉唐建袁皓記明萬曆辛卯毀于火四十六年橫塘袁業泗繼成等重修置香火田三十

畝并山地塘土乾隆丁未袁姓復修

高真觀 在宜春臺側舊為長興道院內有棲霞閣

澄心觀 在宜春臺北原名庵明洪武初歸併元妙觀後廢

靖巖觀 在府城北晉時建內有古松嘉定志靖作淨

宜春縣志

卷二

建置 寺觀

十四

元妙觀 在城東門外即崇福觀晉元康間建明洪武二十四年立為叢林

福真觀 在城東歸化鄉杉江楓樹下

棲真觀 在城西六十里遶陂橋

仙居觀 在城西遶陂橋

龍泉觀 在城北化北鄉栗嶺下

昊天觀 在城北一百二十里石裏鄉

崇清觀 在寨下善和鄉

按前志本宋嘉定間州志補錄以前各廢寺院并為補註以備參攷茲附列於後嘉定志有開元寺在府城北本梁相袁璞宅捐以為寺舊名鴻陽唐改開元本朝賜

經藏焉又有甘露淨行二壇爲度僧之所分房律院二十有四南藏經院北藏經院寺燬于火金鐘損其一爪賜經亦無復存其戒壇院卽甘露壇千佛閣卽今興賢院羅漢閣舊爲法華講院三藏院舊名深沙神院紹興改元州守莫若晦建舍利塔於圓通院西觀音院北又有彌陀院慈化院尊勝院大悲庵泗洲院羅漢院行香院城藏院妙相院金仙殿瑞像院浴室院慈氏閣院等類均無考惟乾明寺載在宜春臺下崇甯中建妙明尼寺在臺北偏勝因尼寺在臺東偏隆化尼寺在治平院之南吳乾貞二年建本名長奉後改治平普澤寺在

宜春縣志

卷二

建置 寺觀

五

秀江北護法寺在秀江北坡上雷澤寺在秀江北灘土佛嶺龍興淨妙寺在城東五里有石潭亭軒可恣遊眺皇祐中郡守韓綜記此外有明德薦福清妙勝安顯勝靜梵雙龍普濟八院載在薦賢鄉勝利廣仁法興大慈靈隱壽福六院載在歸化鄉普信悟空常樂法甯四院載在化鵬鄉仁濟棲貞慈雲壽昌多寶友仁淨土能仁普安瑞相十院載在信義鄉貞如定相淨土廣化香巖安靜極樂清心八院載在集雲鄉定明顯甯大通妙因淨明雲峰禪智聖安永明九院載在孝義文明鄉淨惠壽隆萬安大明澄照真空淨樂聖壽永慶寶嚴魯源離

垢惠泉安照悟真定惠安定寶勝法因廣教淨安長清
淨居崇果淨真仁王萬年定林普安貞乘普照三十一
院載在石龍裏外二鄉梵安惠寂淨明妙樂廣悟明寂
明福普化廣修淨心普薰崇教相嚴長清長慶開聖保
福聖壽生化星德承天通教二十二院載在薦賢裏外
兩鄉澄照清虛真果妙香植福禪宗清涼聖惠八院載
在遷喬鄉普濟慶恩寶真澄寂真樂廣慶天福聖因萬
壽惠福妙勝安常普信悟空常樂十五院載在化鵬南
北兩鄉明惠真覺勤道植福勝樂澄濟寶勝七院載在
善和鄉其雙林院一在詔君鄉一在化鵬鄉其治平院

建置 寺觀

宜春縣志

卷二

六

載在宜春臺又開元寺南二十步有資聖院一名中宮
寺郡泊南百步有勝果塔院舊名天王塔院南門外二
里有南禪保安院化成上巖有開化院下巖有惠明院
城南十里官店有淨覺院舊名化成庵城東門外有天
慶觀又東外一里有祥符觀舊名開元觀州北陽山里
有崇道觀州西五十里有延真觀

